

6



3 0365 2664 2

中册  
袁轭

古今聯語彙選三集

上海商務印書館出版

哀挽一

王荆公挽韓魏公聯

木稼曾聞達官怕，山頽今見哲人萎。

李紳著先生挽張蘭湘聯

袒裼裸裎由然與偕柳下士師之介君子

或以為不恭所弗恤也，嬉笑怒罵率爾

諧謔東方大夫之風天下咸欽其樂易蓋

庶幾焉

武進祝廣揚先生挽李申耆先生聯

大夫國人皆所矜式也，後生小子於何

問業焉

閩江張亨甫參佐桐城姚石甫先生靈幕石甫官

臺灣因誣被逮北上亨甫亦累及事解出獄寓

古今聯語彙選三集 哀挽一

MG  
I269.16  
31/22

宣武門外楊椒山先生祠未幾卒何子貞太史

是骨肉剛詩書聞江酒傾燕市，眞血  
性男子，石請死傍椒山

黃仲則先生挽某表聯

生別尙黯然而堪岳色川聲客路頻揮才

子淚，死者長已矣最痛老親弱息秋風

空送故園魂

王晚老挽馬勿靈太史聯

本無庸福到奇才君竟死我餘生踽踽涼

涼負從前一諾初心相期成白骨，縱有

狂名流俗耳天不憐人又妬蒼蒼莽莽問

此後幾根傲骨何處覓青山

A879339

又挽袁孝廉煥新聯

有感傷心早逝焉知非幸事 一寒徹骨

佗生切莫作文人

周彥昇挽茅氏聯

忝茅齋生徒五十年衰病登堂增一慟

撫農部叢書五千卷羈縲絕域滯孤身

俞曲園先生自汴學解組歸來隱居吳下刊著甚

富而于經學尤多所研究曾營書藏于西子湖

畔病歿時上杭羅少畊觀察適官蘇儲挽以聯

云

笑別姑蘇台歌詠歸兜率陀天前無古人

後無來者 名登儒林傳著作藏瓊環福

地生為師表死為仙靈

顧姓谷先生會煇挽范肯堂先生聯

彩筆落人間劇憐絕代文豪白舫青蓮依

幕府 仙龕歸海上猶憶昔年詩識碧雲

黃葉在他鄉

肯堂先生死於上海

又周彥昇聯

長卿遺封禪子雲草太玄婦哭兒啼只有

高文壽金石 今年歲在辰明年歲在巳

君亡吾病那堪厄運值龍蛇

又姚永樸聯

張濂亭得三士報先公大名已達二千里

吳翼州以兩書締盟好弱妹相依十五

年

范妻姚妹也

又馮光九熙字聯

記一月前正是行期袖中攜有詩篇分手  
猶餘殘照在 近卅年間未嘗家食滬上  
况爲國土靈魂莫着異鄉看

又挽習維笙先生聯

吾儕大抵同情碎米零鹽成歲月 君病

未能一視望衡對宇邈河山

柯遜菴先生挽范仲林先生聯

文章好弟兄已傷珠樹凋殘梁苑又聞一  
個弱 風義兼師友正值蕙蘭消歇楚江  
彌觸九歌哀

王拾珊孝廉瓊餘挽周少圃聯

古今聯語彙選三集 哀挽一

同是貴家兒問一第接武能乎非病是貧  
嫌我獨 久爲名下士至五旬修文晚矣  
有才無命妒君先

拾珊爲叔原方伯子工詩爲人曠達

又挽范肯堂聯

文字其末焉者也大節所關惟孝友 徵  
辟亦偶然事耳先生原不在科名

海門周彥昇家祿挽顧旌谷先生聯

齒錄幾同年鄧主東道陸老天官海內數  
交遊寥落晨星猶有我 郡城諸老友无  
錯殯宮仲林旅櫬先賢傳耆舊蘊隆盛暑  
又悲君

又徐淮生代人聯云

三

有諸子賢能世其家懿行足千秋回首公  
應無遺恨 壽吾母文令猶在壁佳篇重  
三復當年心感更難忘

日本相伊藤挽林迪臣太守聯

巖巖高山偶相見長相思總生平祇一面  
堂堂上國以實心行實政如大夫有幾  
人

江津鍾耘紡祖芬挽吳給諫聚垣聯

呼列祖列宗之靈臣只此心臣只此身想  
大局已如斯將萬言策上時儘可白頭歸  
老死 痛碩果晨星之盡吾將安仰吾將  
安放今一面無緣矣待千秋論定後還從  
青史見先生

何紹放水部挽張都戎聯

玉關生入竟無時十年邊塞鐵甲銷磨不  
堪憶摩訶池頭上駟連雲箭拂春旂楊柳  
綠 馬革屍還嗟未得萬里君門鬼魂悲  
壯誰復念夜郎徼外異鄉寒食花飛熱血  
杜鵑紅

唐鶴九挽鄧湘皋聯

著作甚勤四海聲名今北斗 風流頓盡  
百年文獻老南村

南通有陰德君子顧先生名曾煜工書畫尤明於

醫以諸生老其卒也李少崖挽以聯云

溯二曲學派與亭林先生同號理宗世德  
相承薄植愧難繩祖武 論萬石家聲惟

內史少子尤稱篤行人言無間盛名允足

副鄉評

又達濟源聯

先生以德行道藝可傳與古為徒馬氏五  
常稱獨最 諸子乃羯末封胡之選皆吾  
畏友龍文千里識英才

李滋然挽朱鼎甫侍御聯

沒為河嶽生為日星浩氣還太虛我幸猶  
及瞻元豸 其德可傳其言不朽直聲留  
諫草公真無愧冠神羊

又慶廷相聯

玉筍記班聯宦寺抨彈抗疏共傳烏府客  
金華承學派門牆答問遺書空痛鮪埼

古今聯語彙選三集 哀挽一

亭

原跋云君與余鄉會同年入翰林遷御史旋以劾  
璫去職有楊左之風年來大府聘主廣雅書院兩  
粵人士翕然宗之前數日哀其堂中答問示余議  
論通純蓋播染其鄉先正者然也昔謝山先生亦  
以浙人來吾粵君之道術正與之同乃翹秀待成  
而梁木遽壞聊綴數語用誌哀思

又康南海聯

永嘉先正尚有典型惜徒聞柏府清霜長  
留直筆 鵝湖異同近將合并最驚絕蓮  
韜明月忽碎寒潮

原跋云君於鄉先正學術似東萊水心數年粵中  
論學攻錯惟君六月南歸十六夜堅留在蓮韜館

五

明月照人辨論申且遂相印可因出廣雅答問相  
商竟永乖隔他日蓮韜是西州已祖詒敬識

又東省門人聯

燭灑海先幾諫草具存東顧時銀沒猶視

紹紫陽絕業遺書宛在南來薪盡火斯

傳

又林颺伯太史聯

六察督事朝廷遂尊最難忘抗疏天閭軼

蹤薛黯 三代導人德行爲本尤痛絕捧

商史筆奪我包蕭

又陳慶修聯

慨昔賢門戶之分折衷一是矯近世崖岸

之習律已恆謙極中正極和平才士通儒

齊俯首 封事皆遠大之務諫草猶存質

疑成答問之編遺書可寶真經綸真學養

規諷之今年六月十六夜在蓮韜館申辨達旦先  
師既歿遂有鵝湖異同近將合并及相契遠慮頓  
釋宿滯之語實則先師學術技術與康君判若冰  
炭具見無邪堂答問及答康君各書中閱者其毋  
以是言爲典要也

又潘衍桐聯

直節九重知想西臺諫草猶存折檻寧忘

赤心漢 故鄉千里隔望東每韋齋建在

倚閭盼斷白頭親

文章道德並傳人

又王存善聯

親炙有三兒記先生之爲學志行似梨州  
出處類謝山淵博同息園數熙朝桑梓英  
靈尋墜緒于茫茫而今而後孰可嗣者  
周旋逾五載舉仰止之大端東觀著文章  
西臺表氣節南海傳教術慨身世江湖廊  
廟傷憂心之悄悄天平人乎誰實爲之

又徐琪聯

直言抗疏樸學傳經浩然正氣常存身後  
猶能致風雨遺稿如初講堂無恙問取  
斯人何在天南知已領山川

原跋云蓉生前輩大人前在京師與余文酒之契

古今聯語彙選三集 哀挽一

最深及余入粵而前輩又適主廣雅書院余按試  
西北兩江君猶來話別及秋初旋省而前輩已歸  
道山愴然難已因束芻往奠甫行禮而風雨大作  
及余登車而雨遂霽因憶按試所到凡展謁古名  
臣祠必有風雨然則前輩之靈已早爲粵嶠之神  
矣芙蓉城主古有曼卿君其在白雲樵麓之間耶  
此聯雖不工然他日有輯省志者當亦一重掌錄  
也

又陶邵學聯

碩論他年開嶺學 高風當日著朝班

又朱啟運聯

歐九文章史論盛傳唐宦者 徂徠道德  
春風坐徧魯諸生



又明結聯

居廣居立正位行大道想筆參造化學究  
天人祇此允宜邦國小子又何述焉乃公  
歸不復我心之憂嗟乎亦祇隨嶺南東道  
嶺南西道諸賢同聲一哭 泰山頹梁木  
壞哲人萎正父母俱存兄弟無故且得教  
育英才先生豈無意耶詎哀不能言沒而  
猶視或者有未盡所以為臣所以為子之  
憾抱痛千秋

又石德芬聯

鳳鳴朝陽一疏曾傳李諫議 鵬集講舍

千秋遺恨賈長沙

又魏邦翰聯

鹿洞正宗幸際昌時寬黨錮 鶴山墜緒  
更從何處覓師資

又沈寶樞聯

衍斯道將絕之傳鹿洞淵源承舊緒 為  
經世有用之學鮎埼答問繼遺書

施燧挽陳藍洲先生聯云

漢循吏晉高士生平居仕隱之間清不做  
俗 畫摩詰書東坡性情得湖山之逸沒  
猶為仙

又孫樹禮聯

名不列賢書而行實孝廉口不譚道學而  
心無愧怍位不踰牧命而譽徧公卿家不  
過溫飽而恩周族黨居不離城市而性嗜

湖山會不與教育而望隆師表宇宙內幾情

見此完人百里屈大賢姑近擬諸陸清獻

其律身也無所恃無所求其存心也無

偏愛無偏憎其養氣也無甚喜無甚怒其

論事也無苟異無苟同其治獄也無失入

無失出其接物也無過亢無過卑縉紳中

且視爲畏友干賓來會葬忍看羣哭郭林

宗

又孫樹義聯

公不少留待三十年後看鄉賢祀浙名宦

祀鄂湖山江漢共千秋長存此兩間正氣

吾將安仰從四百里外痛泰山其頽梁

木其壞斗酒隻雞同一哭豈第爲冊載交

又邵章邵義聯

文範雅善居鄉兩世論交玉石他山遺命

在靖節偶然作令廿年歸隱烟霞古洞

刻詩多

先生歸里後手開煙霞洞於南高峯下遂爲全湖

名勝先生題詩有云葦雲抑河心叉手同仰視曾

次高曠可想

又錢家治聯

江漢播聲歌舊日甘棠餘蔭在 煙霞今

供養雲時隄柳感秋多

又吳慶坻聯

文苑爲一傳循吏爲一傳中歲高隱天下

惜之試看治譜傳家法學專門堪致用

前年哭息廬去年哭潛廬平生故人而今

已矣忍檢行甯贈覘淚痕和墨不能乾

又聯

我行豈本懷握手贈言別後相思常雪涕

君去乃奇福驚心危局人間何地可埋

憂

原跋前聯書就得梁君節庵書有蓋老已矣安知

非福思之心悽語讀之百端交集重為此聯以告

九原蓋老即生天成佛下眎塵海其竟脫然無所

繫耶抑未能耶

又江會經陳祖望聯

一洞煙霞山中客喜交詩老 萬家燈火

漢上人知祀故侯

又程慶霖聯

與象山若親弟景可憐春日書來手疏千

言嬰杵高雲鏤金石 溯武林疊影蒼蒼

淒絕秋風仙去神傷兩地范張交誼隔人

天

又孫寶琦聯

奉使昔歸大瀛海梓舊重尋似伏生老不

能言筆述媿承經世略 歷官無異太邱

風麻衰羣集舉文範刊為私謚循聲應共

大江流

又高而謙鳳謙聯

憶亡兄易簣公病已深尙聞強起為哀此

情之悱惻纏線感且不朽 捧令子赴書  
我心如擣相與設位而哭其人 有文章道  
德痛非以私

又梁鼎芬聯

愛民如子畫松如人循吏高士爲一傳  
半厂飄然雪漁已矣淒風冷月卽三君

又聯

晚福補蹉跎大小兩兒才妙絕 高懷多  
感慨死生一致說何悲

又喻兆蕃聯

體洞記前蹤痛話平生梅有約 石交留

一硯傷心事墨磨人

原跋云藍老學長自戊申春正約余遊煙霞洞後

古今聯語彙選三集 哀挽一

遂不復言及余將還甬治所僅與作筆譚數次且

以一古硯相貽謂留此以訂石交也今余去官行

服三年甫畢而先生逝矣痛哉昔陸務觀祭朱子

有云路修齒耄神往形留余未能哭於其靈爰書

此以誌余痛

又朱兆蓉聯

江漢識詩人老輩多情無數名篇投小友

平昌聞惡耗秋聲煞尾再尋宿草哭先

生

薛鍾斗代某君挽陳介石聯

章實齋後曠代一人文史淵深努力拓開

新世界 陳同甫是當今鉅子事功切重

亦曾管領舊山河

十一

古今聯語彙選三集 哀挽一

陳會辦新世界學報光復之始被舉爲民政長

又代某君挽余朝紳聯

前世嚴伯威再世王梅溪千古文章應不  
朽 顯親兒負笈療親婦刲臂一門孝義  
並堪傳

余自謂王梅溪轉世梅溪前身爲嚴伯威見集中

趙炳麟挽王湘綺聯

謾諧驚失東方朔 史事傷殘蔡伯喈

又陳文瑋聯

月日感知音壙記幸留班史筆 歲辰驚  
入夢葬車忍會鄭公鄉

哀挽二

又古銘獸聯

高璧捐大令心夔負異才居肅順幕府晚年作宰

人生自古誰無死 凡事行其心所安

吳縣歿於任所常熟宗月鋤孝廉廷輔挽聯以

又余上華聯

云

痛惠陵咫尺顏違一死戀薊門風雨 效

天下尙可爲屈三尺墨綬之中宰相當受

文恪後先尸諫孤忠壯秦甸山河

其過 世人皆欲殺化一道白虹而去使

又余上華聯

君於此不凡

視死竟如歸忠節直等曹修古 其愚不

周壽昌挽吳可讀聯

可及精魂常傍馬伸橋

世莫笑公愚誰肯上書拚一死 歿猶傍

又東和令聯

陵近可能埋骨慰孤魂

死豈沽名天鑒孤忠羣喙息 官非在位

又黃國璋聯

世傳大統一心安

哀籲九天明春秋一統 昭垂兩疏與日

清文宗挽林文忠聯

月爭光

答君恩清慎忠勤數十年盡瘁不違解組

歸來猶是心存軍國 殫臣力崎嶇險阻  
六千里出師未捷騎箕化去空教淚灑英雄

又福州某君聯

千秋青史存公論 四海蒼生哭此人

章鈺挽吳望雲祭酒仁襟聯

善飲善哭古之陶元亮今之武虛谷 經  
師人師學如朱遵度行如王子明

沈文肅公挽饒壯愷廷選聯

為千秋萬世立此綱常君恩母命如新原  
以臣忠兼子孝 拚九死一生赴予急難  
信水零山依舊那堪我在哭公亡

丁雨生中丞受知於曾文正文正卒時中丞適丁

內艱回籍守制挽以聯

苦塊剩餘生九原無伴應招我 斗山今  
失望四海何人不哭公

有知縣謝某與曾文正文無一面識欲挽以聯倩

梁弼為代作聯

廟堂之上則憂其民江湖之遠則憂其君  
玉局恨緣慳一生未識范文正 功蓋天  
下而主不疑位極人臣而衆不忌金鐘銘  
業永千秋同拜郭汾陽

李文忠挽萬某聯

有子早登龍差慰壯年投筆志 舊人多  
化鶴難忘中夜枕戈時

李元度挽周渭臣尙書聯

鮫宮蜃市嘆望洋東海又揚塵應知耿耿  
千秋未乞餘生裹馬革 犴草蠻花誌遺  
愛南人真不反莫問悠悠多口祇今幾輩  
爛羊頭

左文襄挽劉武烈聯

初援鄂州繼援江州忠於國亦忠於桑梓  
得一名城失一長城死於賊實死於小  
人

曾惠敏挽周武壯聯

自先君與羣傑佐中興魁碩蔚湘淮曠代  
才逢漢太尉 惟將軍以全力成美利廣  
斥皆沃衍千秋人頌趙營平

李梅庵大令挽沈海峯軍門聯

古今聯語彙選三集 哀挽二

從仙源橘叟觀罷殘棋一笑歸來已具陶  
淵明虛室絕塵概 佐名世耆英盪平搶  
寇九京晤對忍述杜少陵炎風朔雪詩

秀水趙桐孫銘挽薛愚農聯

宦蹟繼香山玉局而三看西湖薛廬歸時  
卽是生祠豈徒俎豆嘉禾長水傳公遺愛  
徧 棲隱與勾漏華陽爲伍溯南都講舍  
重開未陪教席從此攀號宰樹荒莊愧我  
受恩多

松江謝希傳挽嘉興錢恭勤聯

文章位業及始終恩禮繼太傅公後塵曾  
幾時遺疏驚傳懸知震悼九重應爲時艱  
惜司馬 念舊憐才俾詩菲纖微備君子

三



館末選記夙昔成名所自敢共孤寒八百  
同教私慟哭歐陽

謝曾隨使美國公為薦主又與先世有舊也

楊雪滄觀察浚挽廖尙書文恪鴻荃聯

五朝元老鬚眉悵片石留題遍海內門生  
故吏 一代青宮羽翼羨重逢造榜是前  
身太史文昌

又挽徐清惠宗幹聯

是人間父母神明大被萬家遺愛長留鉅  
鹿笏 遍海內門生故吏心香一瓣失聲  
同哭峴山碑

又郭遠堂中丞柏蔭聯

一代斗山尊正抱道南歸起起重呼應識

忽辭黃璞里 萬家霖雨足更障川東去  
嚶嚶同話傷心不上塔江樓

某君挽彭剛直聯

千古兩梅妻公幾為多情死 西湖三少  
保此獨以功名終

左文襄挽駱文忠聯

遺愛在川湖倡義早為天下首 中興諸  
將相推誠咸識老臣心

又廖葆恆聯

胸中自有甲兵論當代諸賢伯仲汝南公  
第一 身後不遺琴鶴聽與人之訟顏頰  
清獻世無雙

某挽袁甲三聯

屬續寄箴言勸我勉爲范宣子 蓋棺有  
定論何人更議李臨淮

陶觀察森甲挽李勤恪公輿銳聯

凡幕府皆爲名臣曾文正所以遠不可及  
使朝廷早用此老劉忠誠豈得專美於  
前

顧姓谷挽楊春舫鎮軍聯

男兒戮力行間何奴未滅何以家爲橫海  
狎狂濤擊檝頻年聞壯語 孝子于役在  
外王事靡盬不遑將父高堂傷暮景封箱  
遠道盼歸魂

又聯

橫海習波濤賤子不才相期蕩旣毳餘腥

古今聯語彙選三集 哀挽二

從軍製曲防秋留壁壘健兒知感空與  
帛帶裘雅度墮淚成碑

楊哲子挽蕭榮階提督聯

廿年血戰爲國家整頓乾坤敵愾破西戎  
想策馬銜枚覲面都傳名將至 九地心  
期願寮窠廓清宇宙忠魂依北闕冀爭雄  
結草翻身化作老人來

故崇明鎮周愛山軍門希濂之卒丹徒趙曾望代

其舅毅貽挽以聯云

妾不衣帛馬不食粟 人死留名豹死留  
皮

吳江任曉香學士蘭生兩次觀察皖北以勞卒於

任曾忠襄挽以聯云

五

有公論堪憑甫看一疏陳情便許獨孤鑿  
鑑淬 爲部民再出絕痛四鄉躬歷遽聞  
子駿福音沉

李篁仙挽孫小山方伯同年聯

開藩事業未竟君才記去年鴻澤荒寒多  
少遺黎思麥飯 會邸笙歌猶如昨夢望  
故國鶴樓縹緲祇今孤笛怨梅花

小山方伯曾爲蘆溝橋粥廠大臣先是鄉人觴之

湖廣會館後以五月歸櫬鄂中

又挽溫笛樓太守聯

以十年南國羈臣有弟好相依驚絕長沙  
鵬音惡 曾一笑西曹賢季與君雖相見  
凄然寒日鳳雛哀

笛樓卒於其第五弟味秋湘南學使署中其四弟  
晴舫先卒其子棣華太守冬月聞訃

又挽彭剛直聯

長江數千里之間論荆楚將才慘澹功名  
全在水 危崖百十尋以上對梅花石刻  
輪困肝膽尙思公

又挽洪張伯給諫同年聯

落落古時風感蕉萃中年扶病尙言當世  
事 蕭蕭夜來雨看桑耶滿地吞聲重讀  
故人詩

洪君嘗以桑實見餉兼附以詩

某挽李世忠軍門聯

曾文正保無異志公也算遇著了一生知

己 英果敏煞費婆心他豈料正做個半  
截恩人

某挽張勸果聯

橫海東西何處不知齊仲父 大星今古  
有人曾夢漢桓侯

程侍郎恩澤挽楊時齋宮保遇春聯

經百戰為古名將牧萬民曰大諸侯能武  
能文常開平昔猶媿此 身荷爵是社稷  
臣子象賢並封疆吏全才全福郭令公今  
復見之

又某君聯

靈嶽降昌時荷三朝堂陛之知唐汾陽宋  
武襄今成鼎足 紫光留碩範增百代河

古今聯語彙選三集 哀挽二

山之氣內華夏外蠻貊共誓丹心

巴陵劉湘浦先生樹森弱冠以刑名學遊幕秦中

歷佐諸節使四十餘年名動九重咸豐中曾卓

如中丞入覲文宗曾以先生之名垂詢士論蔡

之歿後左文襄挽以聯云

約秦法三章 弱楚材一個

又挽康國器中丞聯

楊伯起清可質天從我馳驅深以偏偏不  
阿相許 蕭文終勞宣饋餉斯人樵悴怕  
聽琅琅臨絕之言

黃筱簾挽曾劭剛襲侯聯

立功周九萬里而遙上繼先公伊呂業  
絕學出十三經以外長留薄海斗山悲

七

中江李盾生卒於蘇州喬茂軒挽以聯云

狂歲抽簪四十時文采照江山聲名動朝

野左圖右史燕處超然想見先生晚年進

德之猛 下風傾襟五千里道義重金石

翰墨霏琳璆問字升堂嗚呼已矣孰為吾

黨小子成章之裁

孫渠田侍郎鏘鳴挽黃漱蘭體芳銀臺聯

汲鄭直節枚馬雄才看兒輩詞垣接武名

滿寰區早辭朝列賦歸田華髮醜顏日飲

亡何啣觴不知老將至 孔李通家潘楊

姻媿憶少時江館會文義兼師友詎料賢

昆悲宿草衰病鬢年餘生有幾扶筇又復

哭君來

時銀臺有兄某新逝

又王小木大令嶽松聯

公眞汲黯其人直節抗疏累數萬言生為

社稷臣死且不朽 我亦歐陽弟子知己

感恩逾二十載上為天子慟下哭其私

又俞蔭甫學使樾聯

飲端午酒駐君四日流光寰海千秋同想

望 坐第一樓繼我三年陳跡雲山三竺

未來遊

某君挽壽春孫文正聯

是眞理學無理學之名可憐一代清流競

趨東海 惟古大臣有大臣之量迴憶廿

年入直長伴愚山

又楊士燮聯

老成人接踵同歸繼張文襄一再騎箕追  
傳說 新天子冲齡在抱過靈光殿九重  
典學念甘盤

又李傅元聯

在先朝爲良輔于社稷爲重臣世徒羨稽  
古之榮誰知晚歲經綸四海橫流資砥柱  
依門牆者卅年倚玉堂者七載嘗歷舉  
名賢相勗回憶平生期許千行涕泪湧長  
河

以聯云

瑞安黃仲弢先生卒於湖北提學使任梁鼎芬挽  
維持名教眞當代大師國事呻吟扶病來

古今聯語彙選三集 哀挽二

看那忍去 贈答章菴菴是卅年良友交情  
生死此身雖在劇堪驚

又劉淞芙聯

來日大難殉身不見陸沈慘 斯文欲喪  
衛道還期後死人

又代謝某聯

于文見歐陽公可以無憾 此地有羊叔  
子最繫人思

又李文忠聯

謫戍亦君恩星殞冰天三邊淚爲羈臣灑  
掛冠尋父骨肉明珠海萬里魂依孝子  
歸

又許竹簣聯

灑泪白龍堆相逢萬里尋親回首竟成前  
世事 拜恩丹鳳闕辜負九重側席傷心  
不獨故鄉人

又吳慶坻聯

垂白有高堂追思哭寢餘哀籍湜文章慚  
老去 汗青待良史未了匡時偉抱江湖  
風雨送悲來

又檀璣聯

朋輩酒壚稀過眼春明夢餘錄 宦游詩  
卷在傾心山谷派中人

又易順鼎聯

孝孺讀書真種子 涪翁閱世老禪師

又林紆聯

江關詞賦掩庾子山當時杯酒長安名父  
導君文苑傳 永嘉學派紹陳同甫今日  
扁舟漢上故人弔汝武昌城

又陳衍聯

元祐黃山谷 永嘉葉水心

又陳璋聯

合古絕學成一家言太史世官小同經術  
失大宗師為天下哭西連巴蜀南極瀟  
湘

潘嶧琴學士衍桐挽曹朝川觀察澹聯

雙丁二陸久齊名痛兩家荆樹先後彫零  
頻年獨臥江干悽絕孤鴻驚我起 千里  
尺書新入手憶卅載蘭交死生契闊昨夜

相逢夢裏依然五馬送君歸

又挽建威將軍長白夫子聯

記從鳳味遶材六一雅知蘇玉局 浪說

犀珍滿載九重曲諒馬文淵

汪柳門侍郎挽曾君表聯

有子我快婿有女我賢婦有襁褓兩孫亦

瞻我呼翁平生知己其首推君歎卅年來

卯角深交而遽止此 其行重一鄉其文

重天下其金石諸書尤見重後世一別千

秋難再睹痛七旬外白頭老母何以堪茲

袁爽秋京卿挽宗湘文聯

遇踏過宗豫州晚得一斗大專城差喜鄉

邦有賢將 治狀類趙廣漢能使百石吏

自重書之惇史無愧詞

黎如璋孝廉代人挽李木菴資政聯

卅年講席忽修文自傷白髮門生老侍皋

比龜山座上春風冷 二品朝衫恰加襪

轉憶黃堂太守血啼杜宇夔府城邊落日

愁

資政子春生太守時官夔州府

區孝達挽戴文誠公聯

扈從西安挈我于役環遊海外託我以家

附樹葛蘿更屬及門桃李 南皮作古拜

公樞臣壽州云亡晉公協揆在天魂魄難

忘報國涓埃

又陳頌文聯



人日甫過記曾問字停車介壽公堂纔載  
酒 先生休矣太息山頽梁壞買春元夜  
罷觀燈

又鄧小赤宮保華熙聯

天不憖遺黃閣經綸悲未展 佛言夢幻

黑頭色相瞬成空

又潘本榮聯

君是南州間氣所鍾同地不同時生甫及

申大名應並駱宮保 我在禮部公車相

識論交兼論學撫今追昔講席難忘戴侍

中

時文誠為侍講

又朱子勤聯

憶先嚴牀榻彌留哽咽托諸孤費公多少  
維持不堪回首當年事 自大局風雲變  
幻炎涼徵世態抱此無窮憂憤最是傷心

絕命詞

又湯蛩仙聯

去冬待漏屬令私邸過談避嫌不敢前媿

以小人度君子 來粵借籌正值靈輒就

道揖別如昨夢既悲逝者行自傷

時湯因浙路事在粵

武陵楊性農先生善為古文辭咸同間與曾文正

吳南屏輩齊名張文襄極傾倒其為人督鄂時

曾刊刻其文集丁酉重宴鹿鳴卒年九十有三

先生以某年六月初三日生卒亦以是日文襄

挽以聯云

續刻鴻篇成二集祇二集足千秋况行誼  
無慚人品推兩湖第一 重赴鹿鳴已七  
年再七年便百歲歎死生不爽奇緣結六  
月初三

兩江總督端方挽仁和王文韶相國聯

外總師干以舊勛居九牧之首內登揆席  
以計相綜兩府之勞讓善不伐成功弗矜  
晚年極疏廣殊榮恩許歸田龐眉壽比孤  
山鶴 翠華西狩則有興元草詔之功赤  
烏東還則有免胄扶輪之寵寄重腹心誼  
均骨肉矢志與子車同殉哀傳憑几攀髯  
魂逐鼎湖龍

古今聯語彙選三集 哀挽二

金谿徐玉于先生被徵不就隱居雲林山著書自

娛沒後許御史樞臣挽以聯云

辭祿著書占雲林三十六峯天際早營高  
士宅 有人望氣記癸未七月五日山中  
曾隕少微星

張文襄公挽馬忠武公聯

戰壘汜河西維粵馮淮王湘孫三將軍同  
支危局馮子材王學沂孫開華三公法  
越之役力抗法軍于滇桂台澎 大星沈澗水  
會香山睢陽雜社諸耆老失此英姿與文襄會  
與鹿中

堂傳纂張總憲吳中丞陸  
尚書及忠武公諸著英會

又孫文正公聯

公爲京國壯干城每當跨馬据鞍猶見精  
神矍鑠 我于交情託桑梓值此內憂外

十三

悔最傷者宿凋藹

又楊士驥聯

天西拓地禁衛提兵述紹炎漢家風銅柱  
千秋壯交趾 畿輔同袍雲霄傷逝近數  
中興上將錫名二字比湯陰

又陳夔龍聯

落日炤甸門提孤軍抗六國雄師颯爽英  
姿想見褒公毛髮動 大星沉冀野揜百  
戰博兩宮優眷摩挲故壘難忘祈父爪牙  
才

又馬某聯

同仇交誼憶邊關訂忘年交爲問字師舊  
雨聚京華勛望益欽曹武惠 上將威名

震敵國得士卒心承天子寵大星沉渤海  
愴懷竟失馬文淵

又丁士源聯

溯中東一役而還扈蹕勤勞籌邊艱苦百  
戰建豐功歐亞同欽俎豆旂常垂不朽  
記辛丑相從之日戎幃借箸薦牘濫竽八  
年如昨夢人天永訣鼓鞶將帥有餘哀  
又何宗遜聯

兩宮溫詔倚爲道濟長城溯東蒞蓬瀛西  
險蔥嶺南臨梁苑北歷蒙旗立功極萬里  
而遙問袞袞諸公並世勛名能有幾 十  
載軍書獨招郤超入幕計入登薦疏再解  
重圍三記御屏一權闔寄挈我九天之上

嘆茫茫四海此生知己更何人

又姜桂題聯

干戈未定與君早歲行間憶裹創血戰艱  
苦同嘗偉績壯河山生有自來七秩考終  
遺恨少 壁壘依然慨我代膺闔寄當布  
奠傾觴英風宛在大名垂宇宙賞延後世  
一門餘蔭受恩多

徐定超挽張文襄聯

歎曆中外四十年可以寄命托孤君子人  
也 保障東南數千里居然泰山磐石兆  
民賴之

又宗室橋塗聯

名宰相以壽終一身繫天下安危仗此丹

古今聯語彙選三集 哀挽二

心酬幼主 先大夫爲國死遺集非我公  
點定誰加青眼到王孫

又史錫永聯

陶士行久鎮上游忍令沿江百姓罷市而  
哭 韓魏公入定大計彌痛在天兩宮知  
人之明

又田步蟾聯

障百川而東之迴狂瀾于旣倒仰若斗山  
與唐韓昌黎各千古 四裔咸聞起居海  
內稱其正直是真宰相爲宋司馬光後一  
人

嘉應古階平銘猷挽李文忠聯

十月月朔日有食之蒼蒼彼獨何心不慙

十五

遺一老 三世世臣侯誰在矣渺渺予末  
小子何處弔孤忠

又某君聯

北斗黯無華五嶽震驚天柱折 長淮流  
不盡全球涕淚海濤奔

四川于晦若太史式枚挽陳蘭甫先生聯

自道光廿九年以訖於今曾何意一流頓  
盡 嗟吾黨二三子各得所近尙毋忘曠  
代相期

哀挽三

翁松禪相國挽楊思再大令聯

許冲遲奏表 彭澤早歸田

又挽楊書成封翁汝孫聯

長兄豪放仲氏清癯歷數舊遊無若君家  
兄弟好 三鳳高齋一鸞隨侍欲知先德  
但看後嗣子孫賢

書成封翁之兄為濠叟太守沂孫及濱石太常。

孫有子四人長為萃伯侍御崇伊次三亦官魯蜀

有能聲幼子隨侍晷步不離

又挽宗月鋤孝廉廷輔聯

總角交游誰記取七賢故事 等身著述

祇刊成一卷新詩

古今聯語彙選三集 哀挽三

孝廉勤苦好學著作甚富均未付刊今所傳者僅

甲子鄉試日記崇川日記及所校輯三橋春遊曲

數種而已

又挽張子仁封翁聯

父曰嗟哉九死得歸惟子孝 公今逝矣  
一生積善有天知

君為隱南內翰鴻之封翁隱南宦京師以才名著

稱庚子之變都門焚掠兩宮西狩隱南聞封翁急

病之電聞關南歸備嘗艱苦抵里門時尙及見封

翁也

又挽丁梧岡明經聯

文戰困名場竟爾埋頭終矮屋 舊遊溯

京國憶君擁鼻避緇塵

明經久困場屋年逾七十猶應秋試

又挽趙次公常博宗建聯

名滿江南下至走卒兒童太息競傳高士  
死 病餘法喜賸有圖書花木護持全賴  
後人賢

文恭於次公之歿既為詩哭之又作此聯蓋深有  
感焉曾見致吳儒卿廣文札云趙聯有所感觸故  
不覺形之楮墨又云法喜不切側室然坡公詩我  
室惟法喜則指朝雲而言故沿用之

又孫師鄭聯

織女渡河先兩夕經神降嶽應良辰其生  
有自來羨哲人道邁猶龍卻聘不仕高臥  
東山知雄守雌與世無爭真上德 手植

梅松三萬株胸羅圖史五千卷雖死無所  
憾痛執政患貽養虎積薪自焚震驚宮闕  
揚湯止沸幾生修到謝塵緣

原註云高密鄭康成於七月初五生次公生辰與  
之相同庚子五月拳匪禍起次公在病中松禪相  
國往視之語及都下事相與北望悲憤扶牀嘆息  
故次聯云然

宋渭卿挽某君聯

鳴鼓記環攻司馬當年糾介甫 同舟思  
共濟臥龍今日哭周郎

張耆庵挽翁松禪相國聯

讒先公亡公試讀寺人之詩投畀有北投  
畀有昊繼以豺虎 阨不天聞天乃與康

成以夢今歲在辰明歲在巳嗟哉龍蛇

又徐倚虹兆禪聯

戊戌政記長安宮詞倦眼閱滄桑更爲師  
門增一慟瀛海仙班蘇齋題跋深心托  
毫素卽論餘事亦千秋

又某君集王漁洋詩爲聯云

風霜老逐臣空山無人新鬼泣 松柏凋  
良輔滄海橫流萬事非

又孫師鄭聯

怨李恩牛朝局壞十年黨禍嘆孤臣去國  
寸心長戀九閭若論彤史勛名定魁宰相  
世系表 杜冠馬帳儒林拜百代人師痛  
小子奔喪一面竟成千古自媿青衫淪落

古今聯語彙選三集 哀挽三

空玷韓門弟子班

又聯

秋賦曾膺薦鸚春官又快登龍執經荷上  
相傳心憶文評屢賞雄奇壁壘精嚴旗鼓  
整 管鑰付彼僮奴几格置於藩溷掩卷  
誦古緣跋尾嘆晚况抑何蕉萃平泉齷落  
陸莊荒

原注邵伯英太史松年將家藏書畫編一譜錄凡  
十八卷名曰古緣萃錄文恭爲作一序篇末有云  
蒙也不學夙嘗嗜此然而食無餘費居無定宇置  
几格於藩溷之旁委管鑰於僕隸之手其於緣也  
蓋在有無間耳

又盛杏蓀尙書聯

三



公不少留朝野方聞寬大詔 死而後已  
冰淵常懷聖賢心

又張雙南大令繼良聯

渺矣乾嘉諸老文采風流公承厥宗乃終  
其局 傷哉戊戌以來悲魔急劫天寧無  
意特放斯人

又閔少滄荷生聯

公歸黃犬白鼠跳 仙去蒼箕青尾迎

虞驚百先生震光緒乙酉拔貢以小京官升刑部

員外郎充軍機章京比卒孫師鄭先生挽以聯

云

梓里訂深交與陸藕渠齊名早歲驚靈出  
地夢熊空負嘉祥琴淒漢上筑碎燕臺噩

耗屢飛傳魂兮歸來相逢同學少年笑壯  
懷破浪乘風而今已矣 樞垣溯前輩惟

王蒿隱卓著賢聲鍛羽摩霄化鶴不逾中  
壽昔哭蘭泉今悲雅雨時艱難補救天平  
太酷遂使秉鈞良相歎國事積薪厝火助

我誰歟

原注陸壽卿大令震福有詩云家在琴川紅藕渠

藕五一聲之轉蓋陸盧兩家並住五渠鎮也陸以

縣令分發湖北戊戌七月歿於夏口差次陸盧兩

君誕生時其太夫人並夢驚雷震地故均以震名

王蒿隱部郎頌蔚久任軍機章京有賢名丙申年

未屆五旬一病不起驚百年亦四十四時李高陽

翁常熟方爲軍機大臣於王盧二君甚見倚重

賀毅仁代挽魏午莊制軍聯

應中興而起際末流而歸出處極分明青  
史長留誰識老成心獨苦 事先祖如兄  
視亡父如子死生誠契關黃泉重敘儻談  
時同淚應傾

新建程稻村道存代挽張文達聯

耆望尚書天北斗 舊家雲夢澤南州

又湯壽潛聯

遭際勝正則憂傷差同香草靈荃我自遙  
為天下哭 風度似曲江年命不逮元二  
陽九公其去叩帝閭闔

或謂張文達與香山唐少川侍郎意見不洽咸

憤成疾遂致不起某君為唐侍郎代作挽聯

古今聯語彙選三集 哀挽三

引廉藺故事為比聯云

好我同車太息藺廉成往事 斷金攻錯  
誰知韓范本交親

又寶瑞臣侍郎照聯

謀交通教育之先經始艱難獨以精誠膺  
帝眷 繼河間儀徵而後大雅宏達長留  
文采照儒林

又梁節庵廉訪鼎芬聯

勸學愛才涕淚淒涼八百士 評書和韻  
交情鄭重三十年

又王聘三方伯乃徵聯

儒宗之望海內式瞻北極捧星辰於今衰  
職誰為補 天步方艱哲人其萎大江流

五

日夜故國平居有所思

又耿伯齋農部道冲聯

論勛業是唐曲江宋魏公之倫謹慎小心  
宏濟時艱躬盡瘁 其博雅與紀河間阮  
儀徵相亞文明啓化力存國粹學知新

又林琴南孝廉紆聯

以培植英賢爲已任仰酬皇帝殊知憶扈  
蹕西行四扇潼關開曉日 舍零星圖史  
無餘財可想我公貧况送銘旌南下一江  
湘水動悲風

孫師鄭挽李仲約侍郎文田聯

使車馳萬里 歷吳越豫章巴江畿輔朗照  
文星劉賁下第心感試官悔當年勒帛無

心方叔未登科恨失孫洪老名士 方技  
通九流合醫卜占候命相堪輿都成絕學  
供奉多才聲姚禁近痛此日焚琴息響鍾  
期悲永逝誰工燕許大文章

原注云侍郎師歷典川豫江浙試事及督學江右  
畿輔所至均得士戊子江南一榜尤多鴻碩余卷  
因有過激語爲師所擯後邀佐順天學幕翹燭譚  
藝契洽無間追述前事引爲大恨援東坡失李方  
叔以自比余在師幕府時喜作駢文師命代擬牋  
奏脫稿輒擊節歎賞嘗評紙尾云使孫洪援筆爲  
之無以過此師侍直南齋資望最深才思尤爲敏  
捷極荷孝欽后慈眷凡題畫詩詞及內廷春帖子  
非師作不能稱旨也師於九流方技靡不精通所

論命相堪輿輒有奇驗

又受業陳曾祐聯

芸館憶從遊執事論書妙楷西臺多古意

棘闈同校藝焚香薦士明珠南海最傷

神

又受業朱珩聯

獻替繫安危他年諫草流傳莫徒驚四海

詞宗千秋筆聖 師生成沆瀣此日遺編

獨校孰與證和林金石起輦園陵

葉吏部德輝挽廣西巡撫王之春聯

視予猶弟視公猶兄休戚最相關十載交

情同骨肉 盛德人知盛名人累是非傾

足論九州疑謗總皮毛

古今聯語彙選三集 哀挽三

王子敷觀察以諸生應制科洊躋顯秩湘鄉太傅

所識拔也權釐通海延南通顯姓谷曾烜課其

兩子太傅死觀察往弔姓谷代撰挽聯云

聖主曰吁天生李晟非爲朕也 國人皆

哭世無子產誰其嗣之

虞山沈北山名鵬少年登甲科以抗疏劾榮祿孫

毓文李蓮英得罪禁錮終身幼時訂婚吳江費

氏女就婚之夕費夫人以其貌寢不令女與沈

同寢死後其友某君挽以聯云

爲吾鄉好翰林獨能爭氣 是費家窮女

婿不會做官

潘蘭史挽吳北山刑部聯

叢稿待誰刊藥碗詩囊病榻竟虛新歲月

七

山  
飛花何足憾夕陽芳草玉棺還葬舊河

陳曉石挽陳簡池昭常聯

與子共疆圻誰使神州陸沈故國山河空  
隕涕 吾族好兄弟痛矣重陽節近滿城  
風雨罷登高

又梁鼎芬聯

關中見賞陸尙書回思萬里驅車行在烽  
烟詩一束 地下若逢龍表弟爲道孤臣  
種樹崇陵風雨淚千行

朱劍芝景彝挽呂道生軍門聯

將軍從天上飛來白馬威名震寰宇 文  
忠若地下相遇青春事業付烟雲

道生以淮軍宿將受知於李文忠公官至浙江提  
督曾統白馬隊有聲於時

汪柳門侍郎挽吳門費太史妃懷聯

識君未遇十年前話談每過西甌區史綉  
陳祕帙借觀猶在目 愧我忝叨一日長  
論學甘居北面人琴遽慟古碑對勘更無  
籌

黃漱蘭侍郎挽王弢夫水部尊人聯

七十有四春紺顏碧瞳子孫盛昌正阿大  
爲郎簪毫祕省 三萬八千丈赤城瓊臺  
山嶽神秀忽少微處士委羽靈巖

長沙陳伯平中丞居諫臺時嘗疏劾王文韶劉坤

一直聲震天下開府江蘇清廉自矢又復禮賢

下士一時名宿如朱祖謀鄭文焯等皆入網羅

惟事事爲某藩掣肘又疏劾蔡乃焯不去遂鬱鬱

鬱以終張仲旸挽以聯云

一官中外成孤立 數語平生感久要

又王仁東聯

十載諫官風骨在 三吳名宿羅網多

馮夢華中丞挽許靜山星使同年聯

蹇蹇此孤忠每感君精衛填海愚公移山

向日難迴垂沒景 漫漫若長夜空牘我

靈均問天杜陵哭野臨風重賦大招篇

靜山奉使歐西極著寶聲歸後屢上封章熱心救

國樞府憚其懇斥不用辛亥以後家居悲憤惟求

速死於其歿也海內君子咸悼痛之

古今聯語彙選三集 哀挽三

又楊壽枏聯

孤臣心事楚三戶 叔世人才漢兩龔

又無錫裘葆良聯

勤王千里出使萬里今回首渾如夢病果

何因毋乃滄桑能損壽 種族革命政治

革命公掩耳不欲聞士各有志固知勁草

不隨風

靜山於庚子隨蘇撫鹿傳霖勤王旋出使意大利

民國五年卒

康南海挽鄧鐵香侍御承修聯

中年遽奪海剛峯天胡此醉 一老不遺

楊復所我安適歸

嘉興王蔀昀甲榮挽徐小雲大司馬用儀聯

九

臣何罪而誅痛當時白馬冤沈誰持公論  
帝不知其死看此日金鷄詔下始見天

心

原註云庚子六月既殺許袁後又殺尙書立山侍

郎聯沉諸人公杜門不出拊膺太息忽一日爲縋

騎縛赴市曹其長公子部郎士燕亦下詔獄未幾

列國聯軍入都兩宮西狩次年春諸黨魁皆論罪

又下詔昭雪諸臣並予諡蓋諸公之死皆端莊輩

矯旨爲之皇上初不知也

又挽錢子密大司空應溥聯

公已騎箕尾長歸代錄遺章陳北闕 我

重向燕臺而去忍驅羸馬過東城

原註云公京師邸第在正陽門內東城根其遺疏

予爲代繕時正戒涂北上

宋育仁輓王鵬運聯

死生異路竟從此辭不獲素車白馬而來

歎虞淵淒然心驚不已 江海別來枉相

存問曾有斗酒隻鷄之約望墓門遠矣腹

痛何如

易實甫挽榮祿聯

謀國矢公忠一代完人何用羊曇傷太傅

愛才期遠大平生知己不同牛相賞司

勛

哀挽四

清季兩廣總督袁海觀制軍樹勛籍隸湘潭少年

力作二千後始從事江南釐務入資由牧令累

游封圻備極富貴鼎革後始卒秦子質軍門炳

直嘗與同事時為廣東陸路提督挽之云

績稱卓魯遂位涉召方自我邑列版圖四

千年厚實崇高無與侶 誼屬韋元而情

符管鮑胡同心治嶺表十三月天時人事

竟乖離

又趙芝生侍御聯

拋湘上漁叢雲起龍驤自古功名關際會

問江南別墅花香鳥語惟餘風景闕興

亡

袁嘗築第於甯垣

又張香庵聯

政隨官好謗與名俱嶺海墜蒿終所歷

境以世遷人同春去衡湘歸雁有餘哀

又梁任公聯

惟公廟食千秋至今嶺外謳思白簡青袍

遺愛在 令子神交十載痛絕江南執手

麻鞋萬里抵家時

又羅癭公聯

小隱看江山書畫婆娑足生趣 大名參

政事經綸約略付兒曹

又裴曉閣聯

一身繫宗社存亡當應乎天順乎人之時



范舸欲何之歸隱作海濱大老 兩世見  
死生交誼能不挾貴不挾長而友羊碑倘  
再過隕涕有吳下阿蒙

又黃孝覺聯

少以委吏起家嶺外歸來歌泣每聞關國  
事 老與梅花爲友江南亂後林泉留得  
幾完人

又沈崑山聯

慷慨功名陶士行 孤寒涕淚李文饒

又楊哲子聯

江上別經年只今舊館荒涼劫後鶯花思  
主客 家居無幾日此次故鄉歸葬里中  
歌哭亦滄桑

又沈友卿聯

國憂家難兩神傷况看大陸風雲海上翮  
鴻頻悼影 我屋公墩皆夢幻猶是潔漪  
樓閣堂前飛燕識歸魂

沈曾入袁幕袁氏江南別墅名曰潔漪園沈常居  
之今沈亦下世又殤兩子殆聯識歟

又黃心視聯

東山不出無愧蒼生惟公結中興名臣之  
局 幕府多才同登薦牘獨我累老成知  
人之明

陸寄農大令挽張文厚公享壽聯

儒林耆德文苑通才列傳還宜商位置  
典守秩宗平反冤獄一官端不負生平

又潘耀如太史聯

歿五年歸骨而南故國河山何處問 受

兩字易名之詔先朝正朔為公存

宣統五年之上諭予諡文厚故對聯云然也

薩寄農大令挽林文直公紹年聯

從二千石起家外膺疆寄內築樞垣一德

結主知早有勛名垂史册 痛三百年亡

國滿地荆榛故宮禾黍九原思恨事長留

魂夢繞觚棱

又挽江杏邨侍御春霖聯

一疏留名秉國寧辭沈陸責 十年歸隱

蓋棺未見養親心

侍御有老母年已九十餘今尚健在

古今聯語彙選三集 哀挽四

又安海商會會長蔡紹訓聯

朝局已非抗疏流傳天下泣 人間何世

乘風歸去帝旁依

吳興劉澂如京卿錦藻挽馮聯業閣學文蔚聯

五夜肅風霜郊祀寒僵陳正字 千秋珍

翰墨鄉賢名儷趙王孫

又挽王文勤師文韶聯

出膺疆寄入贊綸扉敷歷五十餘年天眷

屬公多即今綠野優游尚因鳴鹿重虞籠

錫宮銜崇國老 攀髯長號騎箕竟去先

後三旬一日師恩增我慟憶昔緇帷趨侍

不僅登龍倍價還叨兄子配文孫

又挽盛杏蓀宮保宣懷聯

三

於理財斥孔桑爲陋於振飢奉范富爲師  
遭際時艱增太息 論交誼在羣紀之間  
論姍姍結朱陳之好淒涼者舊半凋零

又挽湯塾仙同年壽潛聯

同譜卅年通介莫名徐邈聖 遺書一篋

晨昏倘慰郗情悲

又挽沈子惇尙書家本聯

世習刑名惟我公獨精法律由郎署出膺  
二千石晉擢監司棘寺需才芝綸特簡李  
官寵任竹簡重修彙歐亞鎔鑄一爐凡職  
隸西曹羣尊北斗已負白雲重望伏案猶  
是老諸生數百卷麟士勤抄倘訪茂陵書  
遺札決無封禪稿 情篤鄉誼於賤子尤

邁等倫締神交幾及三十年靡間終始鴻  
儒徵召鸚薦登馬攷續成螭幻代遞莽  
乾坤烽烟四起憶國門話別病榻親依從  
此青島潛居閉戶不談天下事重五節龍  
舟競渡忽傳楚些曲大招長痛屈原魂

沈會薦劉經濟特科又劉著續九通曾爲代奏故

下聯云云

又挽廖仲山宗伯聯

予告早歸田獨樂名園四海羣期司馬相  
觀潮遲踐約遺緘藏篋九原空報孝章  
書

又挽周琴軒明府聯

蔣侯豪邁梅福神仙比及三年同埋黃土

燕臺墜歡鷓溪舊侶又弱一个令我白

頭

又顏世清聯

天下慟元勛大廈如傾要樑棟 英雄造

又挽葉菊裳侍講聯

時勢指撝若定失蕭曹

申浦羈棲水心先生幸二見 己年厄運

又丁汝彪聯

石林遺著自千秋

蓋世奇勛工策畫 千秋定論是聰明

醇親王挽趙秉鈞聯

又李映庚聯

有旋乾轉坤才能所存者神所過者化

拔地作公卿獨任艱鉅才無涯涘 橫天

負遺大投艱責任其生也榮其沒也哀

行甲馬一朝解脫死亦權奇

又黎黃陵聯

又湯化龍聯

方大局值危疑震撼之際退不避謗進不

以揖讓之德歸舊君以和平之福造新國

言功于國爲元勛于我爲良友 以一身

對舊君新國皆著殊勛數累代名臣無此

兼鎖鑰屏藩之任外而治戎內而察吏其

翬格歷史 以行伍起家至上將以末吏

惠澤在民其精神在天

起家至上相綜上將上相隸膺專閫只平

生憾事不作長壽神仙

楊杏城先生士琦起家翰苑學宗程朱旁及詞章

尤愛宋人語錄及中晚唐各家詩內行惇篤淡榮

利初為津榆鐵路督辦庚子之役聯軍環攻津沽

彈丸如雨几案都碎先生神色自如伏案屬書備

言利害獻之當道泊事平入直督袁項城幕補商

部右參議上海之有商會實由先生發之歷左丞

擢商部右侍郎改革以後戢影滬濱旋充政事堂

左丞方帝制議起先生力維大局不求人知未幾

南下一意整頓航業主上海招商輪船局事有別

墅在聖湖之濱時一往游戊午八月沒於滬上東

海總統與先生為同年挽以兩聯其一云

貽書垂死傷多難 結契諸昆憶少年

其二云

官階突過王摩詰 經術長懷井大春

額云黃墟感舊

又李廷瑛聯

橫流賴君子 高步超常倫

又邵章聯

泗水鼎長淪此後橫流誰砥柱 黃池槃

不歎奈何老死棄神州

又陳慶佑聯

微尚亦高華仙骨長源真抱得 神來儻

吟唱花身商隱定能知

又汪聲玲聯

前度滄桑懷舊淚 故家喬木哭公詩

又歐陽溥存汪長祿合挽聯

風流江左思安石 夢幻人間悟漆園

又羅惇齋聯

追思便坐深談太息時聞憂國語 每想

退閒高致傷心忍讀泛湖詩

又鹿學良聯

謝太傅再起東山胡爲天不假年海宇蒼  
生空屬望 蕭比部久司庶獄况是感深  
知己郎曹白首益傷心

又鄭沅聯

畫壁唱黃河酒後屢驚傳妙句 扁舟返

丹旆江干何處賦招魂

又吳炳湘聯

古今聯語彙選三集 哀挽四

以我公生平大畧自有千秋湖海何心亂  
裏抽身成避世 數吾鄉耆舊諸賢又弱  
一個風流頓盡天涯翦紙爲招魂

又陳宦聯

海水羣飛遽聞黃浦哀音澤洞稽天傾砥  
柱 江湖離索回溯白宮舊夢從容暇日  
話旃帷

又邱潤民聯

范希文爲秀才時便以此身任天下 願  
亭林當鼎革後未嘗一日忘先朝

又張祖廉聯

事業濟艱難南友補老北友菊老 英雄  
歎衰歇昨哭海州今哭泗州

又三台蕭方駿聯

天意太蒼浩竟使鐵崖終海上 人心猶屬望尙疑弘景在山中

又易順鼎聯

風格在韋左司王右丞之間當代惜斯人 第五聲名公齊驃騎 詩才以李供奉杜拾遺相許平生感知已三千賓客我媿侯嬴

又外甥徐鼎康聯

天胡竟喪斯文冠蓋滿京華爭欲招魂到南國 人言酷似其舅泥塗豈珠玉不堪雪涕過西州

又史藩張汝翹阮福田公挽聯

曹相不務奇謀黃老清寧成治要 羊公何與人事孤寒涕淚滿天涯

又莊蘊寬聯

機智邁羣流較量王後盧前皆其餘事 行藏關運會澈悟生勞死逸捨彼浮榮

又汪盤汪築公挽聯

昆季多才與先子論交最篤 和同入世有老氏知止之風

又許濟泰聯

三竺策孤筇放眼潮來驚月落 一身關大局傷心國瘁際人亡

又高壽恆聯

聞諸它土公之相與真有甚於骨肉 生

而并世我未得見每自悔其文章

又劉子達林振先公挽聯

晚與水雲居明聖湖西留別墅 舊襄帷

幄事集靈囿裏借前籌

又曹元森許維銜馬振理公挽聯

不動聲色措天下於磐石之安羣奴血指

汙顏巧匠旁觀惟縮手 素昧生平仰風

采在光宣以後舉世焦頭爛額知公垂死

未軒眉

又王式通聯

萬縷傷心春柳詠 一生低首玉谿詩

原跋乙卯冬以所作春柳詩相示首聯云祗知春

好不知秋萬縷千條拂盡樓風人之旨其意傷矣

古今聯語彙選三集 哀挽四

又畢桂芳聯

當代世家惟祖孫父子兄弟 生平佳傳

合名臣文苑儒林

又呂均聯

羣飛刺天來日大難哭元老 愛才若命

當代如公有幾人

又黃懋謙方兆鼐合挽聯

一時門第烏衣盛 三載江湖白髮新

又江瀚聯

左轄官清才未竟 西崑詩好世空傳

又呂調元集句聯

高臥想儀形三顧頻煩天下計 斯人獨

憔悴此身不見九州同

九



又王達聯

萬方多難千里招魂冠蓋京華同瀉淚  
直筆承明抽簪神武江山文藻總哀時

又袁勵準聯

懷想耿難忘一臥滄江疏問訊 起居知  
善攝初聞涕淚轉然疑

又劉冠雄聯

真才原不在科名達官學有家傳亦見累  
朝文獻盛 大事豈容重破壞賤子心勞  
軍務備知新國老成謀

又周自齊聯

京國憶深猷治術早師黃老意 江湖看  
晚臥篋詩應補白蘇遺

又傅嶽葵聯

漢廷急召誰先入 東閣無因再得窺

又吳煦聯

殘淚弔英魂黑白棋枰今未定 散材收  
爨尾淒涼門館我何堪

又某君聯

學宗程未復旁及辭章公論不混 位躋  
公卿而遭時顛沛安身實難

又卓孝復聯

燕市重來憶舊雨相逢方慰清顏猶健者  
西湖小住奈秋風多厲偶嬰微疾誤庸

醫

又陳三立聯

輿託孟韓聯句城南存想像 道兼夷惠  
移情海上見生平

又劉學詢聯

軍書代達項城記千里微行洪水為除今  
日劫 泉壤若逢勤恪說廿年前事白雲  
已改舊時山

又孫寶琦聯

忝並魏公名十年前官制同商記聯居朗  
潤東園夢老宮槐歷歷舊痕消宿露 屢  
逢黃歇浦一月餘挽歌遽賦忍重過集靈  
西園神傷苑柳垂垂清淚照斜陽

又應德閔聯

救時姚文獻居隱陶通明問羣公馳譽宣

古今聯語彙選三集 哀挽四

威湖山養望同心幾 百口保韓滉一言  
識饜蔑數平生感恩知己江海湮流雙淚  
垂

又李純聯

宏獎嗣前修北海如聞知涿郡 立朝扶  
大體南塘終竟感江陵

又孫多森聯

江海感同舟濟時才媿計然術 湖山留  
舊約賭墅秋悲謝傅基

又葉景葵聯

清譚屑玉好句聯珠望之如魯殿靈光每  
遇良辰思警欵 槐國仍酣桑田又變到  
處是新亭涕淚載瞻遺像獨歛歔

十一

又陳士廉集杜句聯

吾生亦有涯似聞昨者赤松子 四海猶  
多難不見高人王右丞

又陳方恪聯

有聲當徹天有淚當徹泉長慟難忘后山  
語 甚知丈人真甚愧丈人厚祇今空上  
左丞詩

又項鎮藩聯

追維淮泗千秋業 愁聽錢塘八月潮

又方燕庚聯

公今厭世上仙聽歌浦秋潮嗚咽如聞憂  
國語 我昔分曹作吏悵春明尊酒從容  
無復待言時

又陳士整聯

直而不激廉而不矜若論文章尤健者  
時無可爲天無可問縱臻解脫亦淒然

又張祥麟聯

立身在夷惠之間嘉言懿行足風流俗  
治國以黃老爲本知白守黑我思古人

又郁濬生聯

時局如棋竟使東山老安石 感恩似我  
每依北斗望京華

又劉傳福聯

博望通才爭向日邊迎使節 香山幻夢  
竟從海上築仙龕

又麥信堅聯

海水正羣飛共處漏舟誰作楫 滄江纔  
一臥慘聞中道遽騎箕

又陳雲鵬聯

實業以濟治術之窮正江海橫流宰相山  
中呼不起 父執而感通家之舊奈星霜  
迭換貞元年輩已無多

又朱路譚啓緒聯

天半朱霞雲中白鶴 晉公綠野謝氏青  
山

又湖南財政廳長劉淇聯

澹泊爲懷作隆中梁父高吟早籌全局  
安危所繫共天下蒼生痛哭不起東山

又姚震聯

古今聯語彙選三集 哀挽四

冀東山再起挽國步艱難追思歇浦遂初  
勛望允稱鄉祭酒 溯曩日推恩觸先兄  
遺痛回首謝池斷夢淒涼又墮老人星

又周樹模聯

凡事不爲人先平生所得猶龍學 此才  
止於中壽起死曾無扁鵲方

又同年內姪譚文枏聯

輦紅塵裏卅年前文戰共諸曩偏與白眉  
同摺髯 汗青簡中千載下長才嗟早世  
猶聞黃閣待訃謨

又施肇曾聯

佐合肥相公拱衛神畿三十年調陰燮陽  
綢繆心事壯志猶存故府數元僚幾名士

幾英雄成敗茫茫俱宿草 繼武進尙書  
經營偉業五萬里梯山航海俯仰規模深  
衷共喻同舟懷舊誼半交游半姻婭死生  
落落向秋風

又盛重頤聯

先誼等僑嬰椿暉乍逝樾蔭今頽令我書  
空徒咄咄 同舟成楚越抗議方殷遺言  
絕痛知公垂死尙惓惓

又徐珂率子門下姪婿新六聯

京雒數交游念吾兒蓬直麻中獨邀巨眼  
施蘿蔦 死生終契闊悵客子萍浮海上  
乍聽哀聲廢蓼莪

原跋 曩官京師曾識公及僑海上亦嘗再相見公

為艾青親家相攸認謂小兒新六淹貫中西由是  
申以昏姻幸其差能自立尙無負公知人之明耳  
又姪婿徐新六聯  
滄海憶歸人刮目論姻正似昌黎知李漢  
江關驚歲晚傷心望祭差同子美念祁

公

又三兄士晨挽云

生當我後死在吾先近來家運迤邐五樹  
荆花都委地 誕值春初病愁秋老牘有  
古姿偃蹇十年松柏枉參天

又聯

若固有之若終身焉孟氏所謂窮居不損  
大行不加真君子人也 可仕則仕可止

則止周易嘗言承天時行遯世無悶惟吾  
弟有焉

又聯

念予季塵勞已久避人暫就清閒曾徜徉  
幾日林泉剛從湖上歸來病榻秋涼望平  
善 況吾家慈惠相承賢母更勤施與纔  
培植一樓花萼豈意吟巢蕭索連床春夢  
半浮沈

跋曰杏弟再臨此次同游纔十五日當日共處五  
十餘年由今思昔而不禁言之長也

又聯

昔衝二千里風霜喜還生聚今數二旬餘  
晨夕哭已吞聲方期夙夜必偕盼予弟猶

古今聯語彙選三集 哀挽四

來悠悠我思瞻日月 五齡時識一殺字  
切戒兵刑五秩外勿再服官懷遵庭訓際  
此召徵屢下奈斯人不起殷殷民望隔雲  
霓

原跋弟何往乎近思舊事遠溯生平固歷歷在吾  
眼前存吾心上入吾夢寐而未能片刻忘也

又聯

謝庭之草色先凋獨陪羣季咏歌明年重  
遇陽春空對芳園泣桃李 屈子以菊英  
充膳嘗盡九秋辛苦此後每逢佳節怎從  
高處插茱萸

原跋弟往矣且長往矣春秋佳日永無相見之期  
矣豈長言永歎之所能盡意也耶

十五

又聯

以弟較兄未盈六秩常抱子憂歐賦感秋  
聲但聞四壁吟蟲歎息生年難滿百 嗟  
我同父存僅數人又弱一個瀧阡思往事  
賸有幾行斷鴈那堪對影忽成三

原跋弟之念兄猶兄之念弟也吾念吾弟而上念

吾親並念諸昆而不禁念念之相續也涼秋九月

夜不能寐憂從中來不可斷絕弟其念哉

又聯

可有前知早向阿咸言後事 不堪回首  
猶牽嬌女說婚期

原跋弟平素諸語念之慟心臨危數語念之尤慟

心

又聯

對戚友存心尤篤爲招眠鶴廣布松陰卽  
今大廈傾頽湖上樓臺空幻影 於伉儷  
用情最長自賦離鸞益親蘿藦豈意環滁  
蕭瑟西南林壑感蒼顏

原跋弟善推此心又長於情所厚益加厚焉

又聯

依斗望京華沈吟杜老新詩念長安紛若  
奕棋樵斧何心忍居局外 看雲憶淮水  
記取枚臬舊宅賦山陽而聞鄰笛書燈有  
味怎似兒時

原跋弟退休時不忍忘情於世進行時未嘗自負

所學

古直挽劉人熙先生聯

喪亂豈得已 先生將何之

又林虎聯

力爭上游言猶在耳 顧瞻中夏憂來襲

心

先生臨終無他言惟曰願大家力爭上游而已

又徐東海挽聯

方州重鎮思陶侃 人譜宗風繼念臺

又章太炎聯

亂世才難用 先生老未歸

追悼劉皓愚會場聯

少長咸集 歌哭于斯

又潘宗鼎蔡景儒合挽聯

古今聯語彙選三集 哀挽四

水榭話閒鷗三徑未荒松菊猶存知君寄

意陶潛其人在羲皇上也 江舟唳孤鶴

十月之望霜露既降待我重尋蘇子竟夢

與道士遊乎

又關兆鳳聯

六載識芳型六一翁是當代傳人道德文

章天與名山留位置 重來增舊感重九

節尚臨波寫照古今俯仰眼看陳迹等雲

烟

又蕭布雲葛天遂合挽聯

夫子何爲者 哲人其萎乎

又張周垣聯

有爵一齒一并德而三事業文章萬流同



仰 是經師人師當時無兩提撕訓誨沒

齒難忘

又感義龍聯

愛花愛酒愛書愛已愛蒼生名士皮毛莫

雄膽識 至大至剛至清至和至靈敏聖

賢學問僂佛精神

又徐永恆聯

一老不憊遺章雲貢日含愁思 萬方正

多難鐵雨金風和挽歌

又省立第二師範校聯

直到忘歸巖將與蘇公同夜話 果成如

來佛當邀彌勒笑諸天

又聯

遺經尚存天祿閣 清名長掛壁間山

又聯

新修八境臺不有佳作 特開九老會先

喪斯文

長樂高子益先生為吾國外交界有數人物生平

廉介自持不屑阿附權貴篤於內行非晚近世

所有己未十月卒年五十有八予挽一聯云

時事可知季世流風趨軟媚 賢愚同盡

羣公袖手話滄桑

又予代陶惺存挽一聯云

如此江山坐看處堂嬉燕雀 無多人物

心驚末劫有蟲沙

又予代黃顯華挽一聯云

兄弟孔懷重以憂國傷時我公賢豪忠孝  
人也 出處大節寧待蓋棺定論此語朝  
野中外同之

又予代莊百俞挽一聯云

千秋名世之才斯爲完人未老而病竟以  
憂國死醉夢沈酣醒乎未也 二難競爽  
猶可又弱一個寧家之戚我爲大局危麟  
鳳殂謝耗矣哀哉

又臧博繪聯

以文學鉅子兼外交名家曠代無兩 丁  
國事多艱而大星忽隕蒼生奈何

又方叔遠聯

自長公云亡後學喪厥依可堪競爽二難

又弱一個 況外交失敗中夏丁其厄僅  
此老成碩果胡不憇遺

又丁平瀾聯

待我若家人卅載風雲空灑涕 憂時成  
痼疾一生氣節在辭官

又盧守孟盧學孟聯

四十年總角論交記同舍書聲佳日忽忽  
如夢過 六千里萍蹤再合悵公園履跡  
西風寂寂哭君來

又陳秉瑩聯

許國共馳驅獨有斯人顏色悴 傳家惟  
清白定知廉吏子孫賢

又嚴復聯

於存者難爲兄於往者難爲弟空令人海

說三高一代雄才今已矣 其西學不純

新其中學不純故坐使神州淪百劫九原

孤憤定何如

又余變梅聯

桑海一迴眸舊游苦憶春申浦 風雲多

變態宏略羣思博望槎

又王式通聯

才不虛生策行滄海橫流日 我滋舊痛

篋有賢兄病榻書

又莊蘊寬聯

公孫僑能知四國之爲慰我悲觀比歲翻

多抵掌概 閔子騫無虧一門之行使人

矜式浹旬彌感孔懷詩

又陳三立聯

隔歲閒游過飯家風留斷語 老謀坐廢

如山世難照孱魂

又柯鴻年聯

古人惜垂老交期執手軟塵此景可憐今

不再 回首憶少年同學掛帆滄海當時

共覺氣無前

又王存聯

犀首飲亡何置檄不令公饜事 鯨牙今

及我折衝坐歎國無人

又吳敬恆聯

太息斯人滿中外 方今上壽無賢良

又許建康許建藩聯

病肺不關秋蠻微一身櫻瘴癘 殞年偏

厄聞使槎八月浪傳聞

又唐瀚波聯

不安於位衆論惜焉閉戶抱千秋香火清

閒姑自晦 相勗之誠十年耿若造廬慳

一面山丘寂寞可勝悲

又楊壽栢聯

臥病解朝衣杜門客少心如水 籌邊馳

使節謀國年深鬢已霜

又羅惇愚聯

病喘怕經秋難忘散原室中溫火共爲良

夜會 小別竟終古尙似陶然亭上素衣

古今聯語彙選三集 哀挽四

同哭哲兄來

又李景猷聯

風塵師友相對澹然生日拜東坡春覺齋

中雙淚老 憔悴姬姜不堪回首招魂憑

燕子尙書墓上白楊多

又鄭孝樸聯

握別乍經年正秋雨翻時驚逝如聞司戶

耗 登臨當暮景望斷雲低處愴情誰似

拾遺多

又李壽田聯

是玉帛樽俎之才東及扶桑西窮羅馬

極兄弟友朋之樂生依歇浦死傍梧州

又江會經聯

問病未經旬夢裏鬚眉難再見 乞身僅

才

中歲平生憂憤定誰知

又沈恩孚聯

又田文逸聯

天下大事公可屬 文采風流今尙存

在國家

又曾厲聯

又馮煦聯

垂老得暫休過我幾回飲文字 及門謀

辟地得追陪一別無歸忍重過桃源舊隱

私諡綜公萬行在清高

難兄先怛化九原相見漫與論桑海遺

又鄧錦聯

聞

言忠信行篤敬雖蠻貊之邦行矣 安國

又呂調元聯

家利社稷惟先生其庶幾乎

六詔舊銘恩司馬才名高諭蜀 萬邦大

又周心祐聯

和會連鷄首策憶攻秦

君家兄弟皆先子至交十年重灑孤兒淚

又吳會祺聯

列邦會盟以使才為重四國羣推專對

一瞑長辭國事憂勞心血盡 十年不見

知交零落淚痕多

又何剛德聯

患難相從客邸談瀛餘謔浪

音塵條渺

行人過海有驚濤

又黃炎培聯

如此使絕域才今世有幾

讀公訓愛女

書仁言藹然

哀挽五

馮夢華挽鄒詠春聯

淵明賦停雲亭八表同昏空贖遺詩編甲

子靈均抱懷沙痛九天難問底須初度

溯庚寅

又包祖同聯

傷心人別有懷抱隱居梓里眷念觚棱在

文山疊山間當增一席滿肚子不合時

宜遠慮既深近憂彌甚於獨善兼善外卓

有千秋

又易順鼎聯

留秀夫伴寡婦孤兒讀史至今餘涕淚

遣信國終狀元宰相令人不敢薄科名

古今聯語彙選三集 哀挽五

徐東海挽于晦若聯

相聚東海頭舉足便為孔巢父 望斷玉

峯影前身偷是顧寧人

又王子展聯

是布衣卅載之交既痛逝者行自念也

雖蒲帛屢徵不起所謂大臣然則從與

又嚴復聯

王者配天猶有文章追正始 臣心如水

看扶老病人孤舟

又梁啟超聯

餘事在文章當代更無韓吏部 扁舟竟

歸去古人不遠顧崑山

又陳寶琛聯

滿腹史才甘槁臥 一暝世事斷知聞

又王式通聯

西域天驕識麟鳳 東方大隱喻龍蛇

又葉恭綽聯

三世紀論交正始餘音漸見賞 一流驚

頓盡貞元朝士更無人

又李家駒聯

記從一臥滄江驚逢烽火蒼黃歧路徘徊

成永訣 莫問百年世事贏得書叢老死

秋風寥落有深悲

又梁士詒聯

義熙涕淚陶彭澤 天寶詩歌杜拾遺

又郭曾忻聯

篋中疏稿累萬言曲突徙薪謀不用 天

上巢痕猶昨夢傾河注海淚難乾

又周肇祥聯

死生夢幻來去分明江上祇孤舟大地蒼

茫無著處 身世蕭條文章零落海東莫

迴首寒潮嗚咽有餘哀

又徐琪聯

薇蕨淞濱隔數千里 蓬萊天上逾三十

年

又李綺青聯

彭城徵詔世惜膏蘭惟君野鶴雲霄自萎

浮生異壘勝 月泉詞流盛稱吟草獨此

冥鴻物外僅留遺像偶方干



又石德芬聯

麟鳳懾天驕曾游海國充專使  
龍蛇逢歲厄一臥滄江竟不歸

又吳士鑑聯

史才與王季友齊名記執別黃浦灘頭示  
我條流無苟作卜居近顧亭林舊里  
招魂玉山佳處知公身世有餘哀

又陳衍聯

摩詰於僧多一髮少陵垂死入孤舟

又黃孝寬聯

首陽片石舉世紛紜惟公海上窮居留得  
未來天地泰山鴻毛因人輕重此日舟  
中絕筆定知不廢江河

又文永譽聯

伯髮如漆汝唾成珠譽我溯髻年淒絕此  
言成隔世誓墓未能說文遲上孤兒叢  
衆慙憑將何語寄先靈

又伍銓萃聯

亭林及見明亡惜哉我公不能程松園張  
青父遺山何心野史驚吾世真有邴根  
矩管幼安

又羅惇勳聯

國故羅胸惜哉不就橫雲稿陸居無地  
悽絕難尋野史亭

又吳重熹聯

天北舊同舟饋我貧糧掌故顧亭林史學

萬季野 粵西幼隨宦擬君卿暫封章朱  
蓮甫碑版龍翰臣

又陳慶和聯

自七歲至今執禮幾四十霜感念平生薦  
事不忘韓吏部 使百年終了讀書已千  
萬卷傷心後死遺風同仰顧崑山

仁和徐琪字花農清光緒庚辰進士翰林院編修

官至內閣學士禮部侍郎民國七年歿於京寓

時年七十曾習經聯云

感念江河禮教力持垂暮日 老於文學  
淵源直溯中興年

又受業俞陞雲聯

少日名流中年清秩晚歲貞臣數百卷簪

作等身家世清風應不朽 吳門下榻湖  
上登樓京華問字四十載滄桑雪涕大荒  
披髮痛招魂

又周紹昌聯

磨蝎久同蘇玉局 騎鯨爭惜李青蓮

又朱福詵聯

夢斷舊巢痕長慶論交同骨肉 愁看新

厓日山陽感逝到桑榆

又楊晉聯

受業曲園門清望無慚守書鶴 嬉春崇

效寺明年竟少看花人

又夏偕復聯

侷儻青年轆軻白首 江山異代風雨斯

文

又表姪吳珍聯

壯歲歷清華蚤傳水調歌頭忠愛遠同蘇  
玉局 暮年最蕭瑟誰識哀時詞客江關

愁煞庾蘭成

又曹經沅聯

華國文章蘇玉局 哀時涕淚庾蘭成

又年世晚楊壽枏聯

才名李謫仙冠蓋京華斯人憔悴 身世

庚開府江山文藻異代蕭條

又年慈弟易順鼎聯

忝附詠霓裳我羨君才家世玉堂肖文穆

驚看返奎宿弟先師卒門牆鐵漢有貞

古今聯語彙選三集 哀挽五

端 謂梁濟也

又吳鈞聯

回首玉堂仙富貴春婆真是夢 傷心供  
奉曲貞元朝士已無多

黎黃陂挽宜都楊惺吾聯

碑版照人寰四裔知名李北海 水經推

絕學兩朝抗手戴東原

又吳士鑑聯

商推到千秋援簡待成水經序 彌留僅

三日絕筆還論乞伏碑

又湯濟武聯

綜生平著述累數萬言能使絕學重光當

代作家公眞健者 舉終身精力以殉一

五

事卒得大名而去前輩苦行吾黨識之

馮夢華挽陸鳳石相國聯

鴻爪溯前塵昔年舊雨經過鎖院開時同  
角逐 龍頭魁上第今夕乘風歸去瓊樓  
高處劇荒寒

又徐淮生代林之道聯

一个臣又亡予謚旌榮兩字猶留清世法  
六尺孤無恙鞠躬盡瘁萬民同諒帝師  
心

又代某君聯

爲前代痛兼哭其私宰相奮人稀弱冠承  
家餘一子 嗟老臣心惟天可表河山殘  
照在朝衣拭淚已三年

又朱福說聯

攬揆相同唱第相同歷官亦相同公歸玉  
宇瓊樓往事已如春夢影 弱齡逢厄中  
年逢厄晚節又逢厄我對蒼松翠竹餘生  
共保歲寒心

又魏家驊聯

於今滄海相逢衰病白頭談故里 此後  
靈光安仰高歌青眼感當年

又章履平聯

猶然帝座朝儀毋勞蹈海 難得狀元宰  
相如此收場

又金世和聯

文信國乃進士第一人志在誅元心未死

陶淵明以聖賢教五子身非仕宋節能  
堅

馬森楠挽瞿子玖相國聯

回首勝朝青門瓜熟同高隱 傳心盤谷

黃浦江寒鬱怒潮

又陳夔龍聯

姚崇稱應變才忍看今日域中十事開元

思相業 白傅有感傷作留揭他年墓表

一編長慶哭詩人

又陳寶琛聯

忍死望中興回首金鑾餘密記 易名昭

素履感恩羽扇本孤忠

又梁鼎芬聯

古今聯語彙選三集 哀挽五

密策釋兵權報國同心知我最 歸魂戀  
親墓題圖無句負公多

又沈瑜慶聯

三年京兆追隨方謀宿衛新軍我忽左遷  
公旋罷相 一日興元急詔同是遯荒殘  
客死者長已生者何堪

又馮煦聯

寤寐念周京逸社詩成每集通臣賦鷓血  
音容疑毅廟舊朝夢斷應追先帝挽龍  
髯

原跋公集海上泯老流連觴詠爲逸社予亦與焉  
曾賦杜鵬行七章思舊君也公貌似穆宗慈眷之  
隆端由於是近侍多能道之至公政蹟學術彪炳

古今聯語彙選三集 哀挽五

宙合有識同欽故不及云

又周樹樞聯

已是海枯石爛之時曙後一星猶留光氣  
方為飲酒看花之約春歸三月遂隔人

天

又胡嗣瑗聯

孤臣避地迺同韓偓淹留三年忍淚相看  
問紫氣黃旗孰開造化 先帝知人曾許  
蘇髯忠愛一昔乘風歸去想瓊樓玉宇依  
舊高寒

又陳三立聯

分廟堂憂待息后言親相業 聯文字飲  
重尋海屋失人豪

又熊希齡聯

台鼎數耆英海濱大老晨星少 貞元開  
景運陔下諸郎國器多

又升允聯

主少國疑與君虛拜桐宮相 人亡邦殄  
膽我空吟麥秀詩

又楊鍾羲聯

事有至難晉國灰心居綠野 誠能先見  
曲江遺恨失黃虬

又何維樸聯

獨樂竟無園中國當年相司馬 羈吟猶  
有社仙龕此日迓香山

又汪詒書聯

板蕩痛中原相業未終苦憶鼎湖當日淚  
榛蕪悲故宅時艱方棘劇憐滄海暮年

心

又卓孝復聯

世界變滄桑空留遺老哀吟一瞑難消亡  
國恨 家山罹烽火本是寓公偶寄九原  
猶抱首丘思

又余肇康聯

箕子是輔相賢人垂翼痛明夷海上八年  
完大節 隱君篤平生風誼掛冠共神武  
山中一別悔遲來

又陳毅聯

公去幾何時遂聞黨禍亡天下 人言奚

足恤但抱孤忠訴故君

又曹廣權聯

萬劫始燎原便開火宅蓮花青山古井翻  
成佛 八年如逆旅自別汀洲杜若綠野  
閒堂不是家

又林步隨聯

李元禮以模楷天下爲心生平遊太學門  
牆獨愧符融辜獎借 桓宣武有專制朝  
廷之意後世論永嘉時局益知謝傅繫安  
危

又劉錦藻聯

江湖十年遺章入告九重泣 寢門一慟  
滄海橫流萬事非

又王為幹集句聯

冠冕通南極人世幾回傷往事 簪裾承

睿賞宗臣遺像肅清高

又單鎖聯

王官谷早營生墮鵲啼醒舊夢汐社淒涼

試從故國招魂小劫滄桑弔寒日 姑蘇

臺曾掌文衡鸚鵡荷深知元亭寂寞太息

橫流滿地當年桃李負春風

又盧毅聯

創歷史五千年君民變局餓首陽其太抗

陳洪範其非情黃冠旋里亦何堪但眼中

龍腹虎頭如公復餘幾輩 結勝朝三百

祀台輔靈光謀不與於讓王頑未聞於小

腆青蓋渡江長已矣祇一代麟經孤筆終  
篇尚有全人

又康南海聯

畢生不茹葷信平房瑄為永師後身為排

袁而三黜雖敗猶榮若老謀能成今何至

亂世 垂暮遘移朝不似楊彪為曹丕屈

節曾薦我而冒險無言竟逝歎孤忠莫白

古之傷心人

又朱祖謀聯

十載退閒身齎志擊奸餘老淚 九天思

舊感飾終褒美諒臣心

又王乃徵聯

冰釋返初衷避地聯吟滄海日 陸沈忍



終古遺黎追憶曲江風

又趙爾巽聯

海濱有待留遺老 湘水無情哭盡臣

又沈曾植聯

淒涼沙社月泉避世鬱孤懷臯羽長留丞

相旬 歸去清都帝所回天應得請務成

還降尹疇身

又世年愚弟左孝同聯

後先君入贊樞廷恰值艱屯忠盡如公時

未濟 與小子偕隱海濱自嗟衰朽詩篇

遺我墨猶新

又陸廷黻聯

帝在房州虛右徒擁政由寧氏魁柄先移

時局如斯而公襄贊中樞猶竭駑駘思報

國 桐宮密邇邈矣先王沙社行吟悽然

遺老故鄉何處此日棲遲海外竟騎箕尾

去朝天

又繆荃孫聯

與元和陸相同歸國事難圖天意士風無

可挽 後長沙王師而逝哲人其萎衡雲

湘水共銜悲

又盛炳緯聯

春夢十年過李泌衡山歸未得 故園千

里隔陶公栗里徑全荒

又鄒嘉來聯

左徒草稿孰蔽聰明十載感遷流憂國何

堪餘涕淚 丞相車茵夙欽風度九重知  
謹慎易名猶足概生平。

又商衍瀛衍鑿聯

開濟在兩朝老臣痛斷觚稜夢 移國嗟  
大盜禍事猶餘嶽麓雲

又黎湛枝聯

政地不容公僅四載江湖竟見神州沈大  
陸 草堂堪避世歎七年滬瀆空餘別墅  
繼東臯

又秦綬章聯

瀛洲珥筆幸步後塵公方敷歷三台每從  
舊雨論交折節招延啓東閣 滬瀆回帆  
同為流寓天不憖遺一老忽報大星沈曜

埋頭慟哭記西臺

又吳慶坻聯

遺恨鬱千秋靈武畫圖留句在 易名褒  
一字葛侯心事荷天知

又世愚弟雙泰聯

與屈正則並千古田里放歸為傷靳尙蔽  
明七澤行吟託蘭芷 從先大夫於九京  
門牆載謁同溯貞元盛世十年往事感滄  
桑

又杜俞聯

西州門忍重過愴懷風義兼師友 羊公  
鶴終不舞愧負當年說鳳麟

又姻世晚生劉體乾聯

相業佐東朝公去國危不待蓋棺先論定  
手書成故迹病猶我念怕看遺墨倍神

傷

又曹受詔聯

無路從容陪語笑 宗臣遺像肅清高

又傅岳傅眠聯

煨芋十年遲儘教志託黃冠海上遊仙驚

化鶴 飛花三月暮料得神依玉案山中

望帝怕聞鶻

又夏敬觀聯

行與證符未及蓋棺能論定 事經言驗

始知燭禍在幾先

又任傳榜聯

天留元老江南百代高風追汶上 人識  
相公司馬十年遺愛滿吳中

又門下士張元濟聯

使立朝不為姦慝所排詎令人火熱水深  
至此 豈神州終有陸沈之禍故奪我泰

山梁木於先

又受業喻長霖聯

佑夏赤心師有靡 傳書黃石待留侯

又受業秦瑞珍聯

七載運中樞躬遇宣仁相業久欽元祐政  
千秋昭大節易名文慎遺官猶繫義熙  
年

又受業張緯光聯

刻骨感深知便春夢無痕難禁注海傾河  
淚 攀髯酬夙願問人間何世未了回天  
捧日心

又門生蔣智由聯

除惡失蹉跎深計請傳青史筆 守忠酬  
知遇橫流不變老臣心

又某君聯

人以遺老稱公有餘憾矣 天而它日厭  
亂盍歸來乎

又程學榆等聯

大廈非一木能支高蹈海濱爲末俗留三  
分廉恥 令子皆百夫之特銜哀廬次其  
會葬致于里賢豪

又後學陳時利聯

世業豈沈淪一臥滄江驚歲晚 斯人獨  
蕉悴滿懷愁思立黃昏

又陳士廉聯

負懷麓詩名遇亦差同送別十年前橋畔  
鷓聲猶在耳 抱起田志業末由自效老  
臣孤憤在海濱蜷伏豈初心

又曾熙聯

孤臣白髮滄桑淚 靈麓青楓宰相碑

又王式通聯

天心終鑒高新鄭 相業長稱葉福清

孟心史挽沈愛蒼聯

啼鴉下拜傷心家世備屏藩王魯筆無靈

歌哭常留正陽集 酌咒祈年四首詩篇

邀盼疎避秦人有幾死生不愧義熙民

正陽沈集名沈是年六十心史壽以詩云相韓家

世避秦身高臥依然率土濱入集詩文書甲子齊

年夫婦守庚申甘棠南國從前發丹桂燕山未老

椿吟嘯縱橫腰脚健不妨長作義熙民

劉焜挽虞庚甫聯

有傳有不傳有蒙垢被難而傳定論到蓋

棺儘教衆謗羣疑史筆未容辜直道 願

死願速死願普天下人皆死遺書猶在篋

想見傷時憤俗國犧纔算遂初心

王世裕挽顧勳堂先生聯

讀哀思一曲似開府端憂是書生積習未

除託之麥秀黍離聊自安排作遺老 志

釐稅三篇仿蘭台食貨惜古刻蒐奇猶缺

從此吉金樂石憑誰磨洗認前朝

徐東海挽惲薇蓀學士聯

卅年同榜漸凋零問青瑣前塵誰續詞林

掌故 一夕御風歸縹緲悵黃墟舊雨忍

聽燕市悲歌

又馮河間聯

少日風流盛文藻 晚年蕭瑟動江關

又黃中慧聯

優孟衣冠遺老恨 岐黃藥石故人情

上款云薇蓀先生十年前曾起先人危疾乃竟不

自療哀哉下款姻愚弟黃中慧拜挽命女弟中穆

書

桂林梁巨川先生濟光緒中以孝廉歷官員外郎

辛亥改革以後先生家居恒以世變為憂隱有

與世長辭之意民國七年十月十日為先生六

十誕辰先期至彭翼仲家七日之晨投身淨業

湖以殉遺書數萬言皆以世道人心為念托彭

翼仲等為之刊布挽聯佳作甚多茲錄其尤者

江天鐸聯云

是真儒是名宦是文豪三百年來傳墜緒

為忠臣為逸民為烈士廿五史中大有

人

又周清任聯

數萬言手澤猶新是豈同屈子沈江仲連

蹈海 六七載謳歌化俗徒費盡少陵涕

淚長吉心肝

又李嘉淦聯

與士變祈死同情激烈彌知憂國甚 比

若水殉節雖晚從容轉見苦心多

又李恩慶等聯

名教綱常掃地盡矣國性將滅真理不滅

泗水精傳賴有繼者 福國利民欺人語

耳故君焉往此身偕往文山正氣其在斯

人

又關文彬等聯

古傷心人別具懷抱 後之覽者有感斯

文

又季錫庚聯

殺身成仁無求生害義數萬言遺著滔滔  
一死證明殉國痛 不殄厥愠亦不隕厥  
聞六七年獨行踽踽九朝昭鑒在天靈

又沈汝桐聯

不有斯人何能有天地正氣 試觀所語  
早已破生死難關

又易順鼎聯

右江道謝恩摺奏曾借重法書癸卯年初  
與我題襟介紹人桂林侍郎于晦若 廣  
德樓改良劇文皆有裨風化庚娘傳更推  
君絕筆私淑者梨園女子鮮靈芝

又聯

古今聯語彙選三集 哀挽五

古愚也直古矜也廉百年不祧聞伯夷而  
興起 衆濁獨清衆醉獨醒九天爲正從

彭咸之所居

又劉用煥聯

舉世皆濁我獨清求仁得仁又何怨 自  
身當行幼所學就義論義復奚疑

又周詒柯聯

栖栖何爲天不憖遺一老 滔滔皆是君  
其問諸水濱

又張一塵聯

使當局能聽公言則一死豈非至樂 願  
普天勿忘國性雖百年可以不亡

又吳炯聯

十七

壽只六十年實並中華民國萬歲 史修

廿五部大書清室帝臣一人

又吳煦聯

歷七年始成仁取義是創格忠貞 以一  
死拒邪說誠辭具傷心懷抱

又蔡璋蔡璐聯

死人所不能死言人所不能言滄海挽橫  
流就義從容吳御史 仁者見之謂仁智  
者見之謂智尼山留一脈獨行躑躅子魯諸  
生

又某君聯

逝者如斯無人無我得大覺 熱血猶沸  
此湖此水長不冰

又黃丙焜聯

七載等蚩氓前日雖生猶死今日雖死猶  
生湖水渥浚凝血淚 九州同浩劫既慮  
有國無民復慮有民無國江山殘缺弔忠  
魂

又黃兆枚聯

平居感慨興亡舊國何如新國好 七載  
浮沈京洛到死方知不死心

又陳任中聯

蹈海幾沈吟忍死七年仍失望 懷沙終  
決絕傷心千載有餘哀

又李受益聯

哀民生之多艱遺墨萬言餘血淚 伏清



白以死直寒潭百尺照心胸

又黃侃聯

五噫繼梁鴻舉世何人知此意 獨清同

屈子西涯一水殉孤忠

又孫強聯

舍生取義殺身成仁非矯情也祇自盡其  
責任 習俗日汚初性本善讀遺書者能  
勿發現天良

又顧鼈聯

不愛錢不惜死吾聞其語未見其人滿目  
大好河山公獨掉頭弗顧 論成敗論是  
非往胡可追來猶可諫傷心別有懷抱我  
欲搔首問天

古今聯語彙選三集 哀挽五

又黃中彊聯

一死本尋常大節從容迴末俗 萬方正  
多難平生心事在遺書

又殷仁聯

安知後事如何且向淨業湖中求個分解  
莫怪此行無謂試問惡濁世上怎樣周  
旋

又馬敘倫聯

成仁繼陸文端而興絕筆從容遺萬字  
愛國隨屈大夫之後寒潭相與共千秋

又馮恕聯

垂淚展遺書問而今風俗人心有誰振起  
臨流呼老友空相對夕陽衰柳恨我來

十九

遲

又陳寶琛聯

視乃木大將何如四海同心原一理  
自柳堂侍御之後卅年再見此孤忠

又林灝深聯

苦志孰能明早辦鐵肩擔道義  
遺文寧忍定自留心史照乾坤

又林紆聯

君死在我謁陵前吾將告先皇輦轂有人  
如此清亡以身殉國死世果秉公論倫  
紀之道或存

又聯

不忍偷生李懷麓無此勇決  
居然蹈海

魯仲連尙屬空言

二十

原跋巨川先生國變後即隱居不出五年不復相  
見乃入淨業湖而去湖西崖一角卽李懷麓之所  
營也嗚呼子規不諫東陽去且不甘何有於死視  
先生之引決何如也夫張巡速許遠遲寧計早晚  
吾悲先生之心苦矣書此以弔

又功服姪煥奎聯

迫世變侵尋乃與吾叔相依修其教可法  
後嗣 憫國性淪亡而以身爲殉今之  
人誰知此心

又胡靖清聯

遺書盈篋獨忘我  
沒世無名輸與君

又胡國珍聯

殺身成仁死亦何憾 聞道大笑吾將安歸

又朱德裳聯

世亂有遺賢清醒孤懷無端獨下靈均淚

天寒書壽頌死生一瞬祇今誰寫太邱碑

又彭詒孫聯

言貴能踐蓄志六七年清史收場弱了小

臣一個 人固難知遺書千萬語國民放

眼識此大道幾希

又林德符聯

公眞能已溺爲懷乃竟弗避君子不弔之

戒 世安得完人若此詎忍以非正命而

古今聯語彙選三集 哀挽五

死相疑

又陸哀聯

其愚不可及 逝者如斯夫

又聯

出處絕似屈原澤畔行吟舉世誰知爲國

死 春秋責備賢者江流遺恨九原應悔

報君遲

又郭仁林聯

生也清流沒也清流笑東海兮渾波難爲

魯仲 來以今日去以今日讓南山之餘

壽更益彭翁

又廣西同鄉聯

遺書抵道德五千言救世苦心當爲諸大

二十一

夫國人所矜式 宏願拯共和億萬衆沈

淵鍊魄寧獨吾父老子弟同傷悲

又期服叔承華聯

救國何人哀莫大於心死平日讀聖賢書

想望太平誰知嫉世憂時祗賸數紙遺言

終古扶輿留正氣 先我而逝生者胡以

爲情此後過松竹居淒迷烟月一樣投湘

弔汨忍灑千行老淚西風潭水痛招魂

又蔣式理聯

大患有身看得死生些子事 慈悲救世

却留文字數萬言

又張嗣懋卓宏謀聯

頻年蒿日時艱慷慨一杯燕市酒 到死

關心國是淒涼幾紙故人書

又曾述柴聯

世運遷流如水益深天下溺已溺之七載

含悲惟一死 道德淪替匹夫有責我欲

仁斯仁至萬言沈痛足千秋

又易宗夔聯

不懷私挾詐以生生爲國幹 因世道人

心而死死重泰山

又王氏通聯

衆生顛倒今何望 一死從容古所難

又崇芳聯

是歷朝亡國後應有文章老先生獨能做

到 爲當日服官人絕無花樣大總統何

以評來

又胡澹聯

言者無罪但求有濟 行其所安雖死猶

生

又殷仁聯

天自可憂公自死 屈同斯志佛同悲

又王錫鑾聯

我經二十四年變幻離奇厄運贖此生欲  
從亂世建殊勳所志甚迂所事甚拙所遇  
或在乎滄海邊頭與赤松爲友 公爲數  
十萬衆顛連凋敝窮民拚一死哀懇昊天  
回浩劫其用心苦其用力沈其功當垂之  
燕山頂上使班史勒銘

古今聯語彙選三集 哀挽五

又阿穆爾靈圭聯

已矣乎此老之遺言足式 可嘆者所願

於何日相償

又何啓椿聯

飲酒讀離騷祇有吾徒堪共語 發函得

心史底須本穴爲深藏

又盧毅何清華聯

滄海橫流斯人終爲蒼生死 昊天不弔

吾道應嗟後起難

又張其鑑聯

爲忠國而死爲殉世而死最難能從容就  
死畢竟身死心未死誰云不得其死 因  
共和暫生因家務暫生非是苟且偷生終

二十三

至捐生感衆生君誠無負此生

又楊福元聯

搖筆弄舌以戲劇鳴漫謂好事者爲之請  
看莎斯比亞傳 絕命遺篇與社會戰竊  
願有心人讀此勝如哀的美敦書

又瑞洵聯

視魯仲連東海虛語何如忠烈一微臣卽  
今破碎山河汗簡猶光亡國史 爲李文  
正西涯生色不少淒涼兩蕭寺他日馨香  
俎豆像贊應傳淨業湖

又張書雲聯

爲人所難能潭水無情灑濯忠魂唯一瞑  
茲事非得已匹夫有責扶持正氣在干

秋

又胡元俊聯

悲天事憫人窮世運可迴公之身不生公  
之心不死 質鬼神俟百世遺言具在大  
則以殉道小則以殉清

又王會中聯

天道寧論求仁得仁又何怨 斯文未喪  
雖死不死之謂神

又姚華聯

一紙報君書山居未熟希夷睡 萬言哀  
世變澤國甘從正則遊

又黃敦樸聯

何嘗計千百年身後之名一死明心酬故

國從此結廿五史忠臣之局遺書滿篋  
有餘哀

又史履晉聯

痛飲讀離騷節並三湘爭日月 遺書告  
摯友應憑一簣障江河

又汪鸞翔聯

憫衆生泯泯焚焚處世昏若大夢 有一  
人涼涼踽踽其死重於泰山

里人惲薇孫學士與徐東海同榜舉於鄉平日交

誼極篤學士卒東海挽之云

卅年同榜漸凋零問青鎖前塵誰續詞林  
掌故 一夕御風歸縹緲愴黃墟舊雨忍  
聽燕市悲歌

古今聯語彙選三集 哀挽五

又馮河間聯

少日風流盛文藻 暮年蕭瑟動江關

額曰名德隱曜

哀挽六

清隆裕太后逝世京師開追悼會挽聯數百某君

一聯云

后亦先帝之臣本變法心傳遂公天下  
禮為舊君有服矧共和手詔尚在人間

錢塘丁修甫中翰立誠挽翁鐵梅太令劉太夫人

聯

相夫成循吏教子成循吏祝壽母百年奉  
養板輿絲愛日 住世為菩薩生天為菩  
薩先元宵三夕歸真竺國駐慈雲

徐淮生挽王釋和母聯

有子能詩廢詩不讀 後婦而死其死也  
哀

古今聯語彙選三集 哀挽六

母死前一月婦死皆在北京釋和在浙

茶陵龍笏生拔萃挽蕭母胡太夫人聯

明月照高樓昨夜神仙迎眷屬 秋風思

吉士有人天上侍晨昏

時太夫人距其夫之亡僅一月長子亦已前卒

曹文麟挽朱母聯

有至性之文熙甫傷心編事略 為儀孟

之母虞山頌德紀銘旌

高紉雲挽羅治羣之祖母黃太夫人聯

前二十年厥疾易為治近十二年厥疾弗

可瘳五福修到考終續命慚稱醫國手

昔母舅兮其逝固莫追今舅母兮其逝亦

莫贖後悔惟有痛哭報德空存相宅心



慈利吳悔晦先生挽安勉卿之母太夫人聯

濱疑戎行脫篋作殺敵之勇章貢祿養封  
鮮厲在官之廉婦功母儀蓋沒世無忝  
滂儉患難文字昔相諷以謀紀羣交期孝  
孫復辱勗以義古愛高誼殆今人所難

又聯

集令妻壽母多孫衆子諸福慶於厥躬更  
八旬考終維天詒太夫人者獨厚 綜適  
館授餐抗席傳經所見聞以致誅合三管  
書行茲詣徽古列女誰與歸

又聯

誦詩至苜蓿小星雞鳴諸篇今喜於太夫  
人有驗 致悼合薦紳廝養婦稚一口其

行視士君子何如

又挽徐潤磐之母太夫人聯

行符女師用垂厥休異口同稱九谿百里  
才過男子不掩其德促齡延譽三郟一  
哀

又挽王子鹵按察之母太夫人聯

台星將星有兒是吾澧周紱李應祥一流  
人物 特筆信筆他日看合傳敬姜巴寡  
婦二母生平

又聯

是胡益陽非張江陵有子金革奪情可告  
無罪 痛歐永叔愧李念伯古人蓼莪廢  
讀殆同此哀

又聯

合和九斷織封鮓各名德而兼備之庶無  
疵定論 凡醜酒束芻鑄金諸表章所未  
盡者請更續招魂

又聯

地道無成代終魯敬姜不死巴寡婦不死  
郎君以忠易孝曾湘鄉奪情胡益陽奪  
情

又聯

有兒功名號明代新建伯一流昔化龍場  
今威豪自 大母福祿是歐陽太夫人再  
世生傳荻晝死表瀧阡

又挽朱博泉之母太夫人聯

古今聯語彙選三集 哀挽六

乃郎肯構兼而有之齊公子仁趙公子俠  
大母蓋棺所足稱者顏夫人恕鄒夫人  
慈

又挽汪吉占之母太夫人聯

報暉大文表瀧大文孟郊所言痛歐陽所  
言尤痛 斷織佳話截髮佳話鄒嶧之母  
賢陶侃之母更賢

又代人聯

婿女兩憐視蒙猶子而不得視猶母 總  
麻五服哭爲其私乃實兼哭其賢

又聯

瀧岡台拱岡同摛雄文表德 孟母陶侃  
母齊教孤子成名

又代人挽馮母某儒人聯

始挽梁氏車中殖巴氏財晚斷仇氏織  
我稱密州壻人表施州殯客東南州芻

又挽蕭受山之母太夫人聯

比德東芻天下共知郭林宗有母 表阡

礮石孤兒又見歐永叔其人

又挽王子鹵按察之祖太夫人聯

大母處貴同魯敬姜其哀容可想 孝孫

陳情似李令伯而名位尤高

又挽朱蓮溪之生母戴太夫人聯

覬客每隔屏風生宰相期慘綠少年空老  
大 抱孫亦登仕版死喜及見飛黃前路

正騰驤

又代人聯

我是少孤兒問保抱提攜疇則使完巢有  
今日 禮雖不貳斬任節文隆殺亦應持  
私服以終身

又代挽田東谿之母太夫人聯

經師鄭衆人師程伊川我交嗣君祗欠摠  
衣一拜 早歲鴻妻中歲陶侃母誰傳列

女又添特筆數行

吳與劉澂如京卿錦藻挽壽母程太夫人聯

歷嘉慶道光咸豐同治至今上龍飛卅二  
年花縣板輿盡瞻衆母之母 以壽富康  
寧好德考終完箕子鴻疇九五福麻衣桐

杖更見文孫有孫

太夫人爲黼堂大令之母壽百有三歲

楊君翼之生十三歲而孤教養之責悉賴母氏褚

太夫人比翼之成立太夫人每歷舉曩昔坎坷

狀爲子孫訓誡嘗謂設心力脆薄者決不能由

塞而亨數十年來幸未凍餒填溝壑者寸心持

必生之念以抗逆境若內先萎齷自絕生意豈

能倖存而楊氏一脈之絕續亦不可知矣其艱

忍如此卒年六十四予代友人挽云

持必生之念力挽逆境是英雄格言亦巾

幘畸節 教孤子有聞能承母歡以藜藿

養志遽風木銜悲

又代吳和士挽某節母聯

相夫七年提攜孤子垂三十餘年孤子有

聞懿訓是式 爲善最樂教育後起尤人  
生至樂後起之士懷允不忘

節母有令子在海上辦學有聲節母捐金甚多無

幾微德色尤爲人所難能和士董校事知之頗詳

錢夢鯨挽旌表楊節母聯

盛年傷亂骨肉仳離至今物換星移賸有

清名垂不朽 老至寡歡門庭闐寂從此

雪消冰解好將本性見如來

原註節母婦翁費鐵臣先生之妻母也夫陷于粵

賊無子暮年尤爲族人齟齬沒于乙卯

無錫蔡節母楊太君爲儀庭先生之德配先生生

九月而孤賴母丁太夫人教育之太君既來歸

所以體先生孝養之心者備至先生處心樂易

而制行剛介中道俎謝潛德弗耀時太君既有

三子長兼三次松如次禹門俱弱小太君忍悲

茹痛以養以教一如丁太夫人當日事尤疾晚

近來惟虛名榮利是驚勉以實學故三子者咸

執一業以名世天祐德門孫曾濟美兩世苦節

並膺高壽己未六月太君卒年七十有四予代

莊百俞挽云

佛說一塵一劫無量無邊妙蓮華化身德

門麟鸞代興亦復如是 南無大慈大悲

救苦救難觀世音菩薩人海蛟鯨肆虐母

兮奈何

又胡炎張鑿合挽聯

累世艱貞晚膺多福子孫咸食其報仁里

義門名山並壽 追思盛嬾躬備諸德謳

詞以永其傳千秋萬代大銘不刊

又楊祥聯

禮法揚徽光於穆夫人誥詞最著中郎筆

友于盡才俊顯允君子易語無慚小令

書

又某君聯

三子之言何如飲食教誨悴其生平母兮

鞠我 全德大難為繼忠誠惻怛施及當

世後有達人

又孫毓修聯

賢母有儒風外家盛譽楊中立 諸昆敦

學行仲子天資蔡季通

又孫保圻靈圻合挽聯

三子者出各有聲於時邇來蔗境回甘又  
聽新詩傳萬口 一刻不留既豫言亦驗  
此後萱幃述德應留佳傳炳千秋

又江天鐸聯

正命可前知苦節卅年皈淨土 春暉爭  
欲報行窩幾處失慈雲

又孫靖圻聯

昔以華堂清節盡瘁卅年門戶之持今有  
賢子孫貧鄉邦教育實業諸重任 飢聞  
恭儉仁慈無間一邑親朋之口尤羨好昆  
弟足佐證達人明德於方來

又達享聯

古今聯語彙選三集 哀挽六

我愧不才敢效徐南州以生芻一束相將  
弔太原郭林宗廬次 母多懿行合有白  
居易述德儀三美具備誌榮陽鄭夫人墓  
銘

又許似熊俞復等聯

一門均是傳人商界學界醫界大有郎君  
成績在 五福集於晚景喪姑喪夫喪女  
須知慈母苦心多

又高晴川周承蔀聯

繫古節母享高壽多賢子孫由來舊矣  
况在清門越兩世比德歐孟侯其禱而

又侯杰聯

五十年如一日未嘗以暇自逸 三子者

不同道而皆有聲於時

又陳大猷聯

履艱貞終有慶 教子孫名俱揚

又夏劍丞聯

貞以盡天年繞墓泉清依惠麓 賢哉述

遺行表阡文好比瀧岡

又王海鼎聯

兩世兩著節 三子三成名

予代臧博編挽張母金太夫人聯

昔聞周嫠憂思高識不猶乎人宜有述也

詩云張仲孝友嗣君欲報之德其在斯

與

常州錢烈婦以地產事為豪門所詭合冤自經死

事實已詳前集錢夢鯨挽以聯云

歎豪門勢燄一刹那間轉令江頭枉死人

垂青史不朽 建烈婦祠堂是吾輩事待

看階前長跪者用烏金鑄成

何芸卿廣文挽龐烈婦錢孺人聯

誓地下從藁砧峨峨泰山一死增重 恨

人間少精衛茫茫大海此恨難平

洋河鎮張烈婦蔡公甫山之女光緒十一年來歸

十二年夫歿氏絕粒多日投縵數次以家人嚴

防不死閨旬月言笑自若衆疑為不欲死矣防

稍疏氏乘間以菜刀刎頸而歿羅少陽挽以聯

云

始絕粒繼投縵終刎頸死死耳三尺

鋒滿腔血一片心天平天平

某氏女未嫁而夫死貞女絕粒以殉黃仲則挽以

聯云

冷眼睨蒼穹縱教緣會難期直向泉台作  
梁孟 紅塵障大野漫說人心已死要從  
巾幗見夷齊

陳烈女宛珍挽聯前編已有甄錄今續輯如下續

溪程守謙聯云

宛轉殉夫未婚更比已婚烈 珍重別母  
來生再報此生恩

又餘姚陳履昌聯

九京竟著縞衣從所異者室所同者穴  
片石又題黃絹妙有光吾鄉有耀吾宗

古今聯語彙選三集 哀挽六

又紹興同鄉會董事周岷源聯

為斯世留兩字綱常志決身殲方信人間  
有氣節 距聞訃只三時先後異室同穴  
相從地下算團圓

又鄉人蕭爾昌聯

未成婦先殉夫力持名教綱常天姥山高  
鍾間氣 欲全貞便死烈競說英雄兒女  
春申江上砥橫流

又鄉人吳善卿聯

在天比翼鳥在地連理枝可以成仁可以  
取義 不願同日生但願同日死吾聞其  
語吾見其人

又鄉人壽孝天聯

九



至性乎至情乎激叔季之天良功侔東漢  
投瓜女 妻道也臣道也從夫君於地下  
賢比西山採蕨人

又聯

試默觀習習時風離合自由假多少文明  
的面目 莫小覷纖纖弱質綱常名教有  
幾何擔負在肩頭

又聯

但求理得但求心安之死矢靡他古人殺  
身成仁一樣精誠噴熱血 或曰過中或  
曰傷勇責賢疑太備我輩平情論事萬毋  
嚴格索疵毛

又聯

是中華道德所放之色采 爲民國倫紀  
先植其根基

又聯

有誰強迫如是從容碧血丹心堪鼎足純  
忠純孝 挹此芬芳誰無感觸雖黃堅白  
聽輿人見智見仁

又鄞縣洪家納聯

有父母命有媒妁言納采問名是固以身  
相許矣 生不同年死迺同日全貞赴義  
如何執禮過繩之

又江陰程寶青聯

父母之命媒妁之言采禮既行全乎爲婦  
穀則異室死則同穴葩經垂訓烈哉殉

夫

又鄉人壽樂聯

婦若是已難何況女 古如斯罕見不圖

又鄉人壽樂聯

終身既訂修短限願與齊是謂男女平等  
矢志相從死生關不能阻斯真婚姻自由

又紹興七邑旅滬同鄉公學聯

一以孝一以貞越國並流芳前有曹娥碑  
尚在 是宜揚是宜表震川雖異議不如  
姚鼐尚持平

又某君聯

古今聯語彙選三集 哀挽六

彼姝於烈女傳中咬定牙關成一個是  
此會在春申浦上放開眼界於萬斯年

某挽秋瑾聯

悲哉秋之爲氣一慘矣瑾其可懷

又吳芝瑛聯

一身不自保 千載有雄名

柳壁白女士爲前山東都督柳君成烈之妹光復

時佐乃兄戎幕戰事多所贊助嘗身經陣地履

險如夷亦巾幗奇才也卒後吳縣吳靖瀾兆烈

挽以聯云

君其合道韞木蘭爲一佐阿兄前席運籌  
翹造共和病骨漸凋新鬢綠 吾亦從槍  
林彈雨而來隨諸子橫刀殺賊倉皇戎馬

血痕猶認舊衫青

無錫孫肇圻挽胡雨人母高太夫人聯

不學則亡教育先闔以內 久病乃壽子

孫皆國之良

又願倬聯

允矣太君是奇病奇人亦大年大福 難

哉後嗣有佳兒佳婦育賢子賢孫

又華縮言聯

生子如夷惠而各行其是不相背也實相

成也 治家有紀綱無一曠於病此非神

耶寧非天耶

又向韻垣聯

長君和若惠仲子清若夷迹相背志相成

日惟母教 窮棲哭於家野老涕於路生  
也榮死也哀是為女宗

又予與方君叔遠合挽一聯

貞疾垂五十年而其天獨全不朽者三太

上立德 中華互億萬禩欲以學興國造

端伊始微母安歸

又孟心史聯

佳兒佳婦男女諸孫繼世以學問震華夷

如此門材空史乘 同術同方居遊相屬

比年來劬勞哀願復一般口澤痛楮楳

吳稚暉挽周母王運新先生聯

女學界之祭酒 家庭中為完人

又吳芝瑛聯

邑有大家咫尺戶庭慳一面 女皆博士任心乎  
十章風烈足千春

又王翀聯

報德有羊曇爲外家執士喪禮 遺型著  
劉向看淑女傳婦學篇

又予代莊君百俞挽一聯云

若農有秋種瓜得瓜種豆得豆 名德必  
達匪今斯今念茲在茲

又王汝鼎聯

嗚呼與我外祖母生也同年死也同年中  
間更相同道今哭斯人亦猶哭吾外祖母  
也 偉哉本其責任心學乎先覺行乎先  
覺無往不爲先驅莫回逝者盍卽回此責

任心乎

無錫楊玉如女士曾爲私立翼中女校校長某歲  
冬間卒沈穎若代某君挽以聯云

生不尋常以女子身乃踵楊斯盛之武  
死足千古入教育史當與蒙台梭並傳

華亭楊安楨女士懿俠爲夏允學之德配相夫創  
辦清華女校曾冒雪至滬濱延聘教師女校始  
成立並先放足以開風氣年二十八以產後病  
卒欽明女學校集華嚴經句挽以聯云

是何因緣奮願力 云惟士女揚德音  
又黃任之聯

天生神勇夫人卽論蹈雪尋師一段美談  
亦是女界修身資料 吾勸清華賢壻從

此毀家廣校千秋不朽大慰泉台興學精魂

田東谿先生金楠爲九澧泰斗詩古文辭與吳梅  
晦相頡頏太夫人彭氏青年守節艱苦備嘗卒  
能教子成名晚年家計漸裕而勤儉不少衰卒

後挽聯甚多茲采錄如下雷以動聯云

友之云師之云我交嗣君見澹臺一流重  
望德無極壽無極天佑大母俾洪範五  
福考終

又楊師讓聯

願讀書不做官非此母不生此子焉用  
文與偕隱聞其語及見其人

又向上文聯

手中線身上衣同此鞠子恩勤春草結餘  
暉彌觸數十載尸喪憾考叔羹仲氏米  
不算賢郎酬報荻灰留遺澤待刊六一翁  
表墓碑

又晏開鄰開甲聯

拜母昔登堂萬仞雄山朝肅客對靈今  
酌酒一叢寒竹夜悲秋

又何業新聯

經師鄭衆人師程伊川我交嗣君祇欠握  
衣一拜早歲鴻妻中歲陶侃母誰傳列  
女又添特筆數行

又張景元聯

人無間言看徐弔郭母有令德媿孟與

歐

又嚴以政聯

比德東芻天下共知郭林宗有母 表阡

壟石今日又見歐永叔其人

又曾維楨劉傳澤聯

壟石表瀧阡有嘉譽符芣苢柏舟諸什

東芻弔郭母於喆嗣忝布衣文字之交

又李執中聯

論國興亡與勞逸攸關今庶幾魯敬姜不

死 攬轡慷慨有澄清之志吾猶見范孟

博其人

又吳恭亨聯

孟子大儒成由三徙斷織 瀧岡隱德禔

以孤兒表阡

又王吉人聯

八十年苦節好德考終鄰孟母不亡巴寡

婦不死 六七歲孤兒發名成業歐廬陵

之學陶荊州之才

又黎成鎔聯

東林黨獄西漢經師傷大母無孫敬大母

有子 歐表遺阡范書列傳同古人一死

並古人千秋

又蕭士甲聯

周室方艱緯絲難遣魯妾恤 長安甚遠

衣線幸無遊子吟

又單盛丙聯

論學不如辱交則深我與嗣君差近莫逆  
匪私之哭維德是誄今悲大母不殊所  
生

又孫子翼聯

郭母不生我忝同南州弔客 歐阡可續

今又見東谿先生

又符膺祥聯

嗣君嶽峙窮荒好古能文於吾湘推國朝  
王魏曾吳羣公後勁 造物玉成節孝榮  
生哀死看大母續中史孟陶歐柳諸傳前  
徽

又汪蕙森聯

澧北惟太華號名山雄鬱積將開看淑氣

鍾節孝賢母 湘西得嗣君為壇席主推  
原所自應瓣香祝宣文女師

又于鴻志聯

大福經幽憂煩窵而來綜厥生平是孝女  
是節婦是壽母 孤兒有繼志述事之美  
光茲鄉縣為清門為義閭為儒宗

又戴執中聯

以未亡人專家世仔肩平居履變蹈危曰  
有命焉惟冀鬼神可告確乎不拔 撫弱  
齡子成文章巨手今日表靈述德誦其語  
者足令仁孝之心油然而生

又趙炳薰聯

成兒大名胎始篝燈荻畫 綜母潛德身

循班誠顏箴

又李錫祺聯

景吾鄉瓊林故老遺風懿乎有賢婦肇造  
於家文孫彰施於國 讀哲嗣蘭墅先生  
哀狀肫然見慈母罔極之德孝子靡依之  
悲

又劉海鯤聯

與魏國同德而嗇其封大筆表阡賴有遺  
孤抗永叔 無孺子之賢亦薄於奠束芻  
如玉敢要過譽渙林宗

又彭從徵聯

百餘里遐迤雲山問我諸姑音塵長隔  
八十年考終福壽起家孤子英彥所歸

古今聯語彙選三集 哀挽六

又杜必達聯

我屋萬山深恨非德鄰未親孟母 聖經  
羣言亂羨有賢子克繼洛儒

又朱經營聯

有子能文橫大湖以西異軍特起 何人  
秉筆踵天祿而後列女續編

又汪品朝聯

文字表阡漉澧女師今日替 衣冠會葬  
河汾弟子偉人多

又朱煥森聯

有子擅湖西著作才積學能文是古之曾  
南豐是今之閻北嶽 何人編亞東巾幗  
史闡幽紀實其儉則孟德躍其勤則魯敬



姜

又楊昌盛聯

大母今母師第觀厥成誰識瘠口曉音苦  
嗣君古君子若論所自都從和丸畫荻

來

又楊旌名聯

與孟母結鄰共東溪一衣帶水 願花耘  
載筆附南楚兩旌節編

又李光坤聯

陶家儉德孟家義方論定蓋棺今不異古  
嗣子大師猶子名宦教成啓宇榮而備

哀

又楊文明聯

昭代桐城黃岡數大儒咸出於母教孺人  
荻丸辛勤其行誼當與並列 吾鄉船山  
雲門諸先輩均起自寒族哲嗣齋粥風味  
論道德亦應同歸

又王正雅正德聯

義詩廢讀歷今三年永痛贖孤兒居處未  
安防封又瀝師門涕 蘭墅退修宗宋五  
子遺經傳後學文章不朽瀧表重看魏國  
阡

又汪蕙慶聯

走鄉關一百里尋師俾蘭墅漁浦與附名  
萬善稱親知其所自 萃弟子三千人葬  
母如鄒嶧尼山之盛事四方觀禮莫敢不

哀

又王樹人聯

造物以憂患奇局玉成女丈夫節母比歐  
壽母比李 郎君藉侍奉閒居陶育門弟  
子經師似鄭人師似周

又張詒榮聯

道學文苑儒林惟此母有子 大年貞操  
樸德繼自今何人

又郝澤模聯

失天代天有孤兒可兒雲霄一鳴命也  
難知大孝竟慳祿養、食我衣我視半子  
爲子羽翼已三世母兮不作寒門何恃生  
存

又田道本聯

國朝慈利二百餘年衰矣吾宗至今日詩  
書起家實母能教子之力 天上瑤池數  
千萬里誕哉仙宅惟古來節孝永世則沒  
而如存乎神

又田逢瑞聯

蠹糲示儉雖畢生不改家常豈矯情哉須  
知天下憂患可啓賢聖 昕夕習勞其強  
力逾於男子請論世者毋以中原貧弱歸  
怨婦人

又田登鏞登雲登海聯

所天不中壽而亡其晚景小往大來備九  
疇考終命宜矣 有子貽令名以善在吾

宗榮生哀死視八座太夫人過之

又東谿私塾聯

權家國憂育儒俠才西史諸賢女權茲其  
符契 洗山川陋推文明母東谿千古吾  
黨與有榮施

又怡和會聯

吾宗宗法所關皆郎君孤掌撐持推厥本  
原知義方之教有自 中國國權之弱實  
女子一流墜壞耿茲坊表雖沒世而光不  
磨

岳陽李洞庭君澄字代金勉齋哭祖母聯

母氏早捐幃賴祖母撫養躬親日短報劉  
未讀陳情先涕淚 男兒須愛國愧孫男

遙陳薄奠天方授楚願多殺賊當犧牲

時正武昌首義勉齋與澄字嘗一至彼有所効也

諸暨蔣孟絮瑞藻代大父挽祖母聯

一堂四世子孫皆有聞魂歸來應無遺憂  
到地下 同氣六人爾我算碩果今已矣  
徒有老淚灑天空

徐楠園挽姑母聯

先君姊妹二人賡續凋殘從此盡 吾祖  
節孝五世艱貞根性有遺傳

又寄挽黃姨母聯

廿四齡爲誰拚命相撐往事傷心辛苦莫  
忘慈母意 數千里隔我撫棺一哭因風  
寄語江山自有後人扶

吳悔晦挽先妣王太太孺人聯

生難遂一日驩死偏後一日歸綜億萬數  
世界無母之人恨奚似我痛奚似我朝  
出聽孤兒哭暮入看孤兒長繹三百篇鴟  
鴟毀巢所咏恩實如天勤實如天

南通顧姓谷會烜方宦儷語云孫蓉初茂才少谷

同年之子為余仲氏贅壻少谷歿後死亡相繼

家業蕩然茂才挈其弟依仲氏以居未幾茂才

卒兄女殉焉因為其弟作此聯云

邇來爺娘姊弟俱亡弱植相依異地幸留  
噉飯處 昔之田宅奴婢略盡遺書尙在  
他年容有克家時

金壇馮夢華中丞挽子婦聯

古今聯語彙選三集 哀挽六

居茲靡六年一喪妹再喪姪婦□□□□

□汝又續之吾命畢於斯始信官能權酷

罰 交若翁十載名則友情則弟昆弱息

重婚姻而今已矣九京或相見為言我亦

厭勞生

金滙生先生挽其長媳謝孺人聯

人無間言是賢媳婦 汝當食報有好子

孫

南通達繼聯代某君挽其姊聯

汝從伯姊十周後復羅此鞠凶是何故歟

生則同胞死則同疾 我在異鄉千里外

猝聞此哀耗最可痛者病不知日沒不知

時



長爲兄弟 生薄命死非命善緣成孽果  
任九原磨折莫作女兒

陳子長挽蔣氏妹聯

畫荻十年心戀戀春暉最難忘螟蛉有子  
枯荆千古痛迢迢秋思更何堪鴻雁來

寶

又陳子舟聯

中年感逝倍酸辛更那堪手足 亂世離  
塵真解脫恨尙有翁姑

錢塘丁修甫中翰立誠挽歸陳氏妹聯

澣葛告歸先虞山繼蕭山彈指十年來不  
幸吾家成例事 采薪抱恙自六月交閏  
月愴懷一朝逝難堪夫壻悼亡吟

古今聯語彙選三集 哀挽六

原註妹名立德號東甫能文章通外國語素稱敏  
捷爲蕭山陳彥昇觀察室歸寧忽病歿於杭先十  
年有妹歸常熟楊氏者亦病歿於杭

慈利吳悔晦先生之高足張心量君權挽亡妹中

方聯云

其生無一事不動人憐卽無一事不稱父  
母伯叔之心一病竟戕生豈少慧故無壽  
者相 瀕死繫百端足見汝瘁所繫百端  
爲綜米鹽金錢之細百般都屬命願再來  
莫作女兒身

又代弟聯

百事躬佐諸父持家咸稱生非男子  
呷藥是誰人殺姊畢竟死誤庸醫

二十三

註妹病疫熱症也醫投以麻黃大劑遂以不起故

對幅及之

又代妹聯

衣艱食難又兼此大兵凶年無短無脩同  
日暮 我嫁君死最難堪弱弟稚妹不知  
不識侍爺娘

錢夢鯨代妻挽妹定生聯

小病遽遊仙可憐塵世無情未合久羈仙  
骨 幼年嗟失恃猶喜夜臺有幸好教長  
侍慈顏

又挽表妹潘逸如聯

仙馭竟長行幸生來天上麒麟定傳夙慧  
瓣香應不絕恨未識城中桃李幾個詩

人

原註表妹為敏惠公裔進士鳴球之妹幼寄先君  
子膝下適宜與程貢生適詩有奇氣為宜邑女師

乙卯春方乳而歿

大興戴譜琴挽其女聯

我今已半百猶託凡塵痛爾已傷亡竟使  
雙親成弔客 汝產未兼旬遽歸泉壤遺  
孤誰顧復須知有父即親娘

項朝代某君挽女聯

三載奉姑嫜可憐你孝養未終此別竟成  
千載恨 九原逢阿母為道我精神大減  
不知能混幾年來

高子益先生哭君隱愛女聯

爺真善病孃復甚辱頻年間煥噓寒戀膝  
猶如未嫁日 死而有知魂兮何往相望  
天南地北倚闥空盼再歸時

金訥山之女宮允溫恭孝順爲時所稱畢業於師

範班即在母校麗則女學任教職已許字姑子

袁某結褵有日遶於夏日病殂學界開會追悼

其舅袁榮棣挽以聯云

昔日太倉公今成萬石須知辛苦半生班  
家最是憐昭女 我比劉景升兒爲豚子  
不意婚姻三世薄命偏難配小鸞

黃幼安挽同宗某嫂聯

上壽無過百齡得茲九十有奇世界渾忘  
春不老 中秋僅逾一夕詎料三五而闕

古今聯語彙選三集 哀挽六

家庭空望月團圓

南通顧引之仲基挽兄配子妻聯

姪則喪母兄則喪妻靈魂有知當隱隱以  
痛 吾之子樺汝之子樣幽冥相聚庶依  
依其旁

徐淮生挽弟婦聯

婦德素著鄰里鄉黨稱賢廿年來和順溫  
恭久病不瘳贏得全家分手痛 京口初  
歸白門紅樹無恙兩月中倉皇轉徙浮生  
若夢慘聞予季鼓盆歌

族弟翔麟由皖來常以商起家原配金氏琴瑟失

諧子女皆幼穉翔麟來常垂二十年復娶某氏

尋有故劍之思遂迎金同居先後宛若亦頗相



安某氏有子女三金於月前產一女越日以血

暈亡予挽以聯云

舍利子是諸法空相有即非有 阿羅含

持贖劫壽命生於無生

湘潭黃漫階基祚挽姪婦羅氏聯

男一索男再索胡蒼蒼忍慘奪噫嘻命也

田冥漠奈若何雙淚落 兒雖亡兒不亡

猶子子嗣無疆吁嗟麟兮來徜徉庶幾百

世昌

劉澤人挽其三姪女貞孝朱劉孺人聯

視予猶父不得猶女非爾之慟慟誰為

如何斯人而有斯疾嗟我問天天無言

徐花農挽姪女新華女士聯

聰明絕世慧與福不兼修始信有才天亦

忌 歲月幾時妹偕姊相繼逝可憐欲見

夢俱無

花農之第六女亦於是年病歿

又杭縣諸以仁聯

散原詩卷留奇墨 漆室琴歌瘞古哀

原跋云新華女士之喪頃從滬上報紙得之誌歎

不已前歲尊公仲可先生贈以義寧陳伯嚴先生

散原精舍詩圈識處多女士手筆研誦所到慧心

巨眼足見一斑邊天其生天道謂何立成此聯書

寄靈几嗟嗟女學不僅銀鹿之恫也

錢夢鯨挽表弟謝仁卿室聯

耶君今世耆卿傷哉悼亡好借宮商傳恨

語 夫人女中顏子不幸短命難將德行  
勸他人

予兩賦悼亡先妻楊氏繼娶岳氏楊氏外舅外姑

先後逝世已巳八月岳氏外姑又逝世其歿也

以痛女曼如之故蓋自曼如殂謝無日不在憂

愁煎迫中而予乃頑鈍猶昔視息人間負負無

可言者予挽一聯云

骨肉愴痛如沸如煎母語我寧願再生傷  
哉怎樣境地 塵世因緣是真是幻吾知  
之未能自遣耗矣又當奈何

里人劉君廣伯之母夫人卒其婿臧博繪挽聯云

享大年七旬餘子孫多賢放眼看塵海滄

桑劫後河山仍世閱 違慈顏八閱月光

古今聯語彙選三集 哀挽六

陰如駛雪涕過舊時亭館夜深燈火動悲  
風

博繪備書海上歲時回里輒下榻劉氏故下聯云

云

張峽亭代鄉人挽妻母聯

七十有三年喫得苦耐得窮織布紡紗多  
虧老太 八月初九日倒了頭閉了眼燒  
錢化紙沒個親兒

錢夢鯨挽甥女蔣靜芝聯

寒門孤女有此化離最苦阿家翁性比山  
膏到死可曾絕口 亡國餘生覩茲痛毒  
自傷不祥人謬爲月老至今何忍回頭

原註女適葛氏阿翁好罵因服赤燐墮胎死見詩

二十七

集傷靜芝吟

吳興劉激如京卿錦藻挽沈采芝女甥聯

一死重如山素耽班氏誠言自幼已欽列

女傳 萬善無過孝懷絕曹娥碑字從今

怕讀外甥詞

商務印書館發行

珂羅版加工精印



▲一玉泉本 一元五角

李春湖跋謂此本在宋時已稱罕有體勢神韻與定武真本無二

▲一王沈本 一元二角

此本實由定武原刻脫胎而來風骨神采尙不失右軍典型

▲一宣城本 一元

此本從定武五字未損本摹勒入石非樂石齋所翻五字未損本可比近來已不多見

上列三種皆在

宋游景仁丞相

所集禊帖之百

種中有游相手

題及古今諸名

人題跋甚夥本

館特用佳紙精

印藉公同好

